

山西河東

張士秀
李鳴鳳

等把持河東軍財兩政抗拒中央命令全案

輿論

J210

民國元年十二月二十九號

山西公意日報要聞

革命鉅子被逮駭聞

南君佩蘭爲山西革命之原動力出九死一生幸達共和目的豐功偉烈婦孺皆知今春署理巡警道黽勉從公百廢盡舉尤爲衆目所共見夏日爲籌畫省南軍財兩政慨然辭去警策策馬南下自到河東以來辦理一切有條不紊不料日昨都督民政長省議會忽接李鳴鳳（陸軍協統駐紮河東）來電據稱南局長桂馨（佩蘭名）煽惑軍心意圖破壞河東全局大受影響確有證據已會同張觀察拿獲交司法處審訊事關重大合行電達詳情另陳等語省垣得此消息異常驚駭僉謂南君以革命之鉅子在前清時數罹危難百折不回今共和既成目的已達不知原電所謂意圖破壞者係指破壞何事以都督專派之局長赫赫著名之南君而竟被逮捕無論揆之法律而不合恐革命黨無復能存在者矣聞議會亦異常憤激已由王議長代表赴都督府籌畫解決之方法所有以後情形俟探明續誌



三十號

山西公意日報東鱗西爪

楊芳圃被難可哭

南佩蘭被捕可異

楊芳圃死於土匪之手可惜

南佩蘭竟被李某所執可驚

楊芳圃雖死而尙獲戰亡之名可敬

南佩蘭被拿而誣以煽惑之罪可疑

楊芳圃身任鎮守使而爲無名小賊所害可謂射鼠折矢

南佩蘭辦理籌餉局而被陸軍協統所捕可謂自壞長城

三十一號

北京革心報專電

南佩蘭近因力謀軍財統一李鳴鳳張士秀啣之刺骨假名煽惑軍心擅行逮捕嚴刑迭

訊危在不測晉人駭憤嚴重電詰

(太原電)

革心報要聞

南沛蘭因公罹禍

晉省河東籌餉局局長南沛蘭到局以來實心任事不避勞怨近因欲統一軍財兩政致爲李鳴鳳張士秀所反對違法逮捕鞠以峻刑省垣軍學各界聞耗全體憤激公請帶兵往救晉督因力思顧全大局態度極持鎮靜云

民國二年正月一號

北京平報要聞

南沛蘭被逮之爲何

山西河東籌餉局局長南沛蘭前被李鳴鳳張士秀等指其煽惑軍心等情逮捕嚴訊沛蘭之爲人秉性剛直辦事認真晉省老革命家也去年晉軍起義與南京政府消息不通南乃開關拔涉冒險前往贊助一切今春返晉後曾任警道維持地方秩序甚爲得力茲忽被逮一時省垣各界及軍界重要人物大爲駭憤已嚴重電詰其詳細情節俟探明再

登

南局長被逮後晉省軍學界之公憤

李鳴鳳張士秀等誣陷南局長佩蘭一節頃聞閩都督接得河東電後深爲詫異飭孔監獄長將南君提省秉公訊辦一時省垣軍學界全體忿忿公請帶兵數營前赴河東解救勢甚激烈閩督以此事發生其中必有別情南君去年贊助革命功不可泯無論如何提省後自見真相勸令軍學界稍安毋躁免使地方秩序因之擾攘云

革心報要聞

南沛蘭之允洽輿情

李張之違法

南君之誣枉

晉人之憤激

南君沛蘭係山西大學西齋學生去歲晉省光復懋著殊功此次在河東籌餉局辦事認真致招仇家嫌恨羅織誣陷情形已紀昨報晉省各界自接此訊大動公憤羣情洶激將

與李鳴鳳張士秀二人嚴重交涉現聞河東人士以南君無故被逮亦咸代抱不平可見公道自在人心也

四號

革心報要聞

晉人電保南君

晉省河東籌餉局南局長佩蘭被逮冤抑一節已誌本報頃聞河東旅京同人亦以事出離奇必有奸人誣陷昨急電河東力保南君其原文照錄於下

陝州轉河東張觀察李旅長鑒頃聞南君沛蘭以不法行爲被執事逮捕嚴訊同人聞之實深駭異南君爲舊日同志光復有功今年政績昭然在人耳目不法之事恐係謠傳請力爲保全毋使冤抑是禱裴子清趙鑄之全翼之等同叩

五號

革心報專電

河東對於保釋南局長事要求三條一軍隊全不遣散二財政統歸河東三更易南局長

不換李旅長閻都督均已允許

(太原)

燕京時報要聞

晉軍不服都督節制之要電

晉督閻錫山前日電致政府謂河東觀察使張士秀及旅長李鳴鳳因餉項支絀將籌餉局總辦南桂馨拘禁並有帶兵赴省質問該局何故不接濟軍餉之說經司法司劉綿訓從中調停張李乃提出要求條件三款(一)不准遣散伊等所部軍隊(二)河東財政須歸張管理(三)伊等軍隊不歸都督節制等語政府復電飭令切實查覆如彼等仍屬一味專橫即按土匪剿辦昨得閻督復稱已派楊彭齡李敏二人前往提案查辦云

國維報要聞

河東軍隊之跋扈

山西河東觀察使張士秀旅長李鳴鳳因閻督欲遣散河東軍隊大爲反對以籌餉局委員南桂馨不爲發餉遂將拘禁並聲言將帶兵至省索餉司法司出而調停而張等要求三條一河東軍隊永遠不准遣散一河東財政須由伊管理一伊等軍隊不歸省中節制

閻督將其跋扈情形電告中央覆電令仍設法將河東軍隊遣散如該旅長等再敢抗拒卽以武力解決云

六號

民主報要聞

大總統飭令解送南君之原因

山西自前歲獨立以來河東一隅其與太原於軍政財政一切終有貌合神離之現象閻百川都督欲統一之而無其方特設河東籌餉局而以南君扶柁爲同盟會之老同志太原之役其功尤鉅爰請袁大總統令爲該局局長而冀有以統一其軍政財政孰知山西素有南北地方之見迄於去秋因民政長爲用北人而河東人士尤爲憤憤前日忽謂南君運動軍士令自殘殺而拘禁之袁大總統恐其地方之見因此益深聞昨日已特令第一旅旅長李鳴鳳河東觀察使張士秀將南君解送太原嚴訊有無不法之實據云

革新報要聞

大總統飭令查辦南君被執之原因

山西自去歲獨立以來河東一隅其與太原於軍政財政一切終有貌合神離之現象晉閻都督欲謀統一辦法特設河東籌餉局而南君秋棊爲同盟會老同志太原之役其功尤鉅爰請袁大總統令爲該局局長而冀有以統一其軍政財政也孰知山西素有南北地方之見迄於去秋因民政長爲用北人而河東人士尤爲憤憤前日忽謂南君運動軍士令自殘殺而拘禁之袁大總統恐其地方之見因此益深聞昨日已特令閻都督派員親赴河東提案到省查辦云

晉旅長失蹤之駭聞

山西第一師第一旅旅長孔繁燾君去年贊助革命忠勇卓著今春歷辦重要軍政深資得力旋經大總統任命今職遂赴河東接管軍隊乃李鳴鳳張士秀希圖把持抗不交代并設種種奸計誣與南局長佩蘭同謀膽敢派兵拿獲用嚴刑迭訊至今性命尙未可知閻都督聞信後電飭河東詳陳一切情形旋據覆電孔旅長南來現無下落閻督得電後焦急萬分已派員前赴河東調查矣

平報要聞

孔旅長被誣被拿之駭聞

晉省第一師第一旅旅長孔君繁爵通達軍事忠勇卓著去年山西起義贊助革命甚稱得力今春共和告成後閻督委以重要軍事俱能稱職旋經大總統任命旅長省垣軍隊及各界人員具爲山西軍政得人慶乃日前赴河東接充今職被李鳴鳳張士秀把持軍隊設計拿問併誣與南局長佩蘭同謀不軌嚴刑迭訊慘不忍聞迄今生命尙未可知閻都督再三救援電飭河東詳陳確情李鳴鳳張士秀覆電孔旅長南來毫無下落等語閻督得電後甚爲焦急已派員密赴河東調查其詳細情節俟訪明再登

七號

革心報專電

第一旅旅長孔繁爵奉大總統任命行抵河東又被張士秀李鳴鳳拘禁省垣各界憤激勢甚洶洶

(太原)

革心報要聞

政府對於河東不服節制之辦法

河東觀察使張士秀及旅長李鳴鳳將南局長拘禁已見各報旋有帶兵赴省之說經司法司劉綿訓從中調停提出要求條件三款（一）不准遣散河東所部軍隊（二）河東財政須歸張管理（三）河東軍隊不歸都督節制政府已電閻督飭令切實查覆如彼等仍屬一味專橫卽按土匪剿辦昨得閻督覆電已派楊彭齡李敏二人前往提案查辦云

八號

革心報要聞

大總統對於河東要求之查辦

前報南林柵君爲河東拘禁之事茲經探悉河東此次實非爲南君而發河東一隅原未破壞前歲山西獨立以來河東所招募之兵延弗解散故其財政之窘迫爲從來所未有其種種延抗行爲皆爲河東觀察使張士秀第一旅旅長李鳴鳳所主持袁大總統故令孔繁燾爲第一旅旅長以代李鳴鳳冀得從容撤兵少舒三晉財力之艱困乃李旅長抗弗交卸并將袁大總統所命令之南沛蘭孔繁燾而幽囚之孔君亦老同盟會員也張李二人意謂撤換旅長必南君所主謀是以有前日之拘禁也聞大總統因河東要求三事

(已見昨報)與獨立無異已電飭閻都督派員查辦想河東素多賢達必不至釀成竊據之行爲也

平報要聞

南佩蘭冤抑致死之駭聞

山西全省入款河東三十六縣地丁及鹽務幾佔十分之六去年民軍起義後張士秀狄樓海王用賓諸人卽據爲已有毫不接濟晉軍政府及今春共和告成閻督以中央財政十分困難飭河東將舊有各款清理解省接濟中央以維大局乃張某等把持愈甚卽省垣建設各項新政亦無的款可恃於是推張瑞璣爲財政司因張與伊等均有交情以冀整理財政漸收統一效果孰意河東各款依舊抗不解省意欲省垣軍隊無餉譁潰以冀推翻全局而河東建設軍政府晉人多謂此事張亦與謀然確否則不敢知也旋閻督因裁汰軍隊節省糜費起見稟請大總統委南佩蘭爲籌餉局長謀收軍政財政統一之效及南到河東辦事認真河東人恨之刺骨遂誣以罪名嚴刑迭訊頃聞南局長受刑太重已於日前斃命矣

大同報要聞

河東之不法行爲

前報南林柵君爲河東拘禁之事茲經探悉河東此次實非爲南君而發河東一隅原未破壞前歲山西獨立以來河東所招募之兵約有一萬數千人山西本富庶之區因養此多兵延弗解散故其財政之窘迫爲從來所未有其種種延抗行爲胥爲河東觀察使張士秀第一旅旅長李鳴鳳與太原生意見所致也袁大總統故令孔繁燾爲第一旅旅長以代李鳴鳳冀得從容撤兵少舒三晉財力之艱困乃李旅長抗弗交代並將孔繁燾幽囚之孔君湖北人亦老同盟會會員也張李二人意謂撤換旅長必南君所嗾使是以有前日之拘禁聞河東所要求於政府者有三事（一）軍隊全不解散（二）財政統歸河東（三）軍隊不受太原節制並更易南局長不換李旅長袁大總統已電飭閻都督派員查辦矣想河東數多賢達必不至釀成竊據之行爲也

十號

平報要聞

南佩蘭被逮後河東之現象

河東張士秀李鳴鳳自拘南局長後即發電閻督有帶兵來省之說一時省垣謠言四起官民各界驚駭萬分旋閻都督谷民政長出示曉諭地方尙稱安謐嗣經司法司劉綿訓從中調停聞河東提出三大條件如閻督允准即行了結(一)河東所部一旅軍隊永久不准遣散(二)河東鹽務及三十六縣地丁歸河東自行管理省垣不得過問(三)河東軍隊再添一旅編爲一師由河東自行訓練不歸都督節制閻督以事關重大未敢擅許已呈請中央核辦聞政府以河東希圖竊據殊於統一大局有碍已電晉督嚴行勦辦併派盧旅長永祥迅調得力軍隊數營由汴洛鐵道開往河東邊境駐紮矣

十一號

革心報時評

(玄酒)

南孔遇暴

張李當誅

敬告總統

敬告國民

敬告河東士夫

民國成立基礎未堅承認無期交涉棘手此何以故曰軍隊之跋扈也財政之紛糾也統一之有名無實也此有心者類皆知之類皆慮之矣

河東張士秀李鳴鳳二人久據河東驕橫已極今因權之將去亟思自全始則幽南沛蘭繼則囚孔繁燾終復有三事之要求並有開拔軍隊北上舉動噫張李之罪上通於天矣夫南孔之職總統所命也而張李囚之是干犯總統也總統之位國民所舉也而張李干之是蔑我國民也故張李二人藐都督之罪小而干總統之罪大千總統之罪猶小蔑國民之罪大願我總統鋤之願我國民殛之

且以其三事論之不散軍隊是教軍隊恣縱也把持財政是令財政紊亂也河東不受節制是使統一破壞也三者未除民國不固我國民方殷然憂之二人獨悍然阻之是諸烈士同胞相與捐頭顱濺頸血所建設之民國將摧殘於二賊之手也願我總統鋤之願我國民殛之

夫河東非無賢哲之士也非無純善之人也而張李二賊動輒假河東名義暴動妄爲是其汚河東也亦甚矣吾尤望河東英俊起而圖之以一雪此垢也

民國報時評

閻錫山當不至此

南北統一五族共和斷未有種族之界限已泯而又可別生畛域者也前者閩省孫彭相持幾釀巨禍黔滇兩軍復相持不下構積爲仇阻國步之進行爲大局之隱患傷時之士怒焉憂之乃近聞山西軍隊又有南北派之競爭張士秀擁兵河東與閻氏相對峙遲久不解則禍亂相尋將無已時以閻氏首先反正倡義北方俾三晉生靈得早見天日豈竟以黨派之故而使人民復遭糜爛耶吾知賢者必不出此

革心報要聞

河東張李難逃法網

河東張士秀李鳴鳳等素常跋扈強霸河東誣陷首功希圖獨立近復要挾三事意存破壞事爲政府所覺以現時各省均已統一而張李等竟敢獨自發難蹂躪大局致陷河東

人民于謀逆之地似此負固不服若不嚴加究辦何以維治安而肅軍紀聞大總統業已飭令陸軍部派定軍隊如南局長事出意外即行出發剿辦云

十二號

平報要聞

孔旅長幸免於難

山西第一師第一旅旅長孔繁燾君自大總統任命後前赴河東接管軍隊被張士秀李鳴鳳誣害查無下落一節已誌前報頃聞確實消息孔旅長到河東時即與已被害之南局長同寓籌餉局比張李派兵往拿南君時孔君聞訊不佳越牆而逃奔走於風雪中歷兩晝夜至河南閿鄉縣匿一農家遂將軍服更換李派兵往追四五日不獲而返孔因之幸免于難然亦不敢久留復徒行乞食入洛陽適與其舊友某君相逢賴其接濟乃得購票搭車聞已於日前來京進謁大總統及陸軍部總長將河東希圖竊據詳情及張李罪狀呈請中央速派軍隊剿辦以收統一之效而維晉省大局其詳細情節俟訪明再登

山西民隱時評一

誅心

南局長被逮事之發生也南北人士均以地方團體關係而開會研究焉爲公爲私從旁面觀察之固昭昭在人耳目也

通合會之開會也則宣布理由光明正大當時尙有外省人在座旁聽未嘗涉及一語私憤

河東協會之開會也所謂設法營救者不過表面文章其實秘會議耳非然者何一最不關緊要之厨人以其無地方關係不惜多予以數月之工資而驅之出會耶墮入五里霧中令我百方驚疑而莫解其故也

民隱報時評二

(介巖)

南局長被逮捕之信甫至李鳴鳳帶兵赴省之電卽來而劉繇訓從中調停要求條件亦竟公然提出此事頭尾不對不公不私閃爍離奇令人百思而不能解謂其果煽惑軍心耶有軍法在解省訊問數軍人監守足矣帶兵胡爲者煽惑與否南局長個人之關係而借此要求條件破壞大局統一胡爲者且以個人之事牽拉於軍財兩大政曰財政歸張觀察管理軍隊不歸都督節制種種無理法之要求是公耶是私耶是非欲借一南局長

權代購張李等盤踞河東之特權耶明明以拘禁南局長先危當事之心復以帶兵赴省威赫之隨以詭詐手腕居間調停冀遂其把持之野心噫擅捕中央命官猶假名曰煽惑軍心也及言帶兵赴省則圖謀不軌已不可掩矣至說出要求條件純係私事其爲爭奪權利而設法陷人無疑也大總統責其一味專橫欲按土匪剿辦之也不亦宜乎

民隱報時評三

李鳴鳳之誣南也曰煽惑軍心查有確據所謂確據者卽黃司長與南局長之私信令其殺某某軍官耳夫南局長與某某軍官感情極洽而飾言南欲殺之本至不情乃假手於黃司長之信夫黃司長處於千里之外與某某軍官素無芥蒂嫌何故欲殺之師長旅長皆有直接之權限黃處於間接地步何必自彼殺之南籌餉局長耳何有殺人之權之力黃又何必令南行爲之殺人與否軍法俱在黃與南何敢以私信爲之且果係黃與南之秘件南非孩子李某焉能見之李縱有飛竊之能向某某軍官傳閱之風聲鶴唳訛言四起南豈無一毫知覺而猶束手坐困不作計較乎此等鬼蜮明明捏飾私信借某某軍官之手使之反噬兩敗俱傷而已某某軍官雖以浸潤之譖突然忿怒有圍局捕南之事而

可欺以方難罔以非道遲之數日常亦爽然自失而知爲李某所賣也水落自然石出岸
燃自能燭奸李某李某其作僞日拙者乎

燕京時報要聞

晉督電告派孔繁燾來京面陳軍事

政府對於山西河東軍隊不服都督節制一事頗爲注意連日屢電晉督認真辦理昨得
晉督閻錫山來電謂接派往接帶第一旅旅長李鳴鳳所統兵隊之孔繁燾來電謂伊已
於二十九日微服自運城赴京已復電飭其面陳一切云云

革心報要聞

孔旅長逃難抵京詳誌

日前大總統委任第一旅長孔繁燾前往河東接管軍隊詎意張士秀李鳴鳳等抗不承
認設計誣陷故旅長甫到河東卽無下落一節略見各報近得確息孔旅長到河東時卽
與已經被害之南局長同席籌餉局比張李派兵拏獲南君時孔君尙是鎮靜後聞大兵
又至災近剝膚始行出走山是冒犯風雪備嘗艱阻越兩晝夜始至河南閩鄉縣界易去

軍服雖迫騎踵至竟無所獲而返孔君斯免於禍旋行至河東洛陽適逢其友某君購票搭車業已於日前抵京進謁大總統及陸軍部將河東希圖竊據詳情及張李二人罪狀呈請勦辦以收統一之效而維晉省大局云

革心報時評

(也是)

服從●●●●●違抗

孔旅長之逃難

張李之跋扈

民國成立業已綦年地方秩序漸趨統一異哉晉河東乃有擁兵負固之舉河東軍隊爲國家之軍隊非河東之軍隊旅長一席爲政府之簡任官非張李之所有物張士秀李鳴鳳不解斯旨對於孔旅長之至河東乃欲設計陷害甚至派騎追捕如臨犯逆知有權利而不知有服從敢干把持而不恤於違抗甚矣其惑也大哉其謬也且此風苟開各省將士或起效尤則中央命令效力將不出於國門矣是爲害一隅者猶小影響全國者實大張李之罪可容誅乎

前彭壽松茶毒十閩政府派岑西林帶兵入閩鎮撫而彭逃今張李之事迹近竊據其罪大惡極十倍于彭想政府威權所在自有正當之辦法也

山西公意日報時評

(誅奸)

孔繁燾之爲第一旅旅長也山大總統任命之李鳴鳳抗不交代方命已屬顯然乃並欲將被任命者亦設法以陷害之此其心目中尙知有國法耶

更有甚者日前致電都督曾以親帶軍隊來省交代爲要挾之詞近復派遣一營軍隊駐紮韓信嶺夫韓信嶺以北其地則仍屬晉地也其人則猶是晉人也李某等果何居心而進駐重兵如臨大敵若是乎意者捕南逐孔心猶未甘尙欲擁重兵一施毒手於省垣耶不然韓信嶺前既無敵兵來侵又無匪徒滋事擁兵突來胡爲者

革心報要件

南君佩蘭被逮前後實錄

(一)南軍南下之原因 前大總統及閩都督以山西南北軍財兩政亟須統一辦理無人故委南君充河東籌餉局局長兼任檢閱使以期雙方並進速收效果而南君遂慨然

辭去警道馳赴河東力謀軍財兩政之統一

(二)張李妬忌之由來 張士秀李鳴鳳自握河東軍財二政以來凡於彼處之權利遂直認爲己有故一聞南君馳往籌餉檢閱知必不利於己終恐不能自保其位乃銜恨於心久思所以排去之而未得其間

(三)南君熱心之招怨 南君佩蘭自出山以來遇事任勞任怨不避艱險凡有不合之處必直言相諫自南下後親見張士秀不能節省經濟任意揮霍前曾斷送鹽款於陝省不念民脂民膏之可惜李鳴鳳不知軍事爲何物駐運爲何因但知擁兵自衛一切餉糈全無節制致將全旅數月截曠盡入私囊彼無軍事知識故其部下亦無軍事教育河東一帶土匪時起戕官害民劫掠明火者觸目皆是南君嘗以責任攸關諫之故招張李之痛恨

(四)張李遇事之掣肘 張李二人見南君言行之間剛直無私決非同類非設法排去不足以達利己之目的每於發餉時明知局中無款李則以軍餉綦重迫不及待逼之南欲向張挪借張則以無款或免見推之以致南君嘗有向商號借款發餉之事南君見武

裝多有損壞公家又無款可購每欲將從前之截曠提出以作修補之需而李則以無曠或以不用別對之

京津時報要聞

晉省軍界之風潮

山西駐紮河東運城之第九團弁兵因該團奉令裁併並改委孔繁燾爲旅長羣起反對全團齊據運城圍困籌餉局收去槍械餉銀先後將南桂馨孔繁燾給去拘留現舉李鳴鳳及張某二人爲首幸第一團兵弁及礮隊均不受煽惑閩都督得報已派第一師參謀長李敏等前往查辦

十三號

革心報專電

河東張士秀李鳴鳳現派該處九團一營飛向韓侯嶺進發行抵平陽被七團阻止現正爭持甚激聞該營非駐韓信嶺不止

(太原)

運城郵電兩局張觀察仍派員把守不能自由交通

(太原)

張士秀李鳴鳳已將籌餉局二等局員劉灑二等局員王國珍非刑拷打勢將就斃

(太原)

革心報要件

南君佩蘭被逮前後實錄

(五)南君被逮之遠因 南君近來對於裁汰軍隊提解錢糧等事督促益急張李以此事無可阻撓遷延遂奇想天開設法陷害故分電各處謂吾南久已安謐無事近日河東軍心忽然搖動居民異常惶恐前途甚爲可慮似有奸人從中煽惑現已由河東觀察令李旅長密令查拏奸細矣旋又分電各處云此間素日安靖不意有奸人從各軍隊極力煽惑突露險象居民惶恐異常現河東張觀察使正飭令李旅長嚴密查辦不日想可破獲云云至是張李對於南君之惡感益甚矣

(六)張李秘密之陰謀(毒手之暴發)現大總統與閩都督因河東軍隊至今尙未整飭徒糜餉項揆厥由來實因統馭非人所致故簡任孔君芸生爲旅長以期整頓當孔君未至之時卽有公孫長子者本一無能之輩專事逢迎得此消息遂赴運城報告並云事急

矣可柰何張李聞之幾欲撞死既而又以事已臨頭不若先發制人於是特開軍事秘密
議會數次急籌對待方法仇南之心更甚於前矣

革心報社說

(玄酒)

爲河東抗命事敬告政府

夫國家之成立無財不足以爲患也寡兵不足以爲患也惟地方之間有一二頑梗之徒
違抗中央之命令使全國有痺痿之狀行省生離析之憂此之爲大患蓋國猶人也腹心
者所以號令手足者也而手足者所以捍衛腹心者也使手足奮爭而不聽腹心之指使
此必病風喪心之人也病風喪心之人內之不足以自衛外之不足以禦人雖賊獲得而
侮之矣東河以一隅之地張李以驕悍之夫而利用兵旅把持財政一歲之中曾不聞有
錙銖之供入諸省署而惟二三私人朋比而分潤之其罪已不容誅矣中央政府猶深思
有以全之不欲持之過急使彼等無復餘地於是始遣南君以攬財政繼命孔長以收兵
權懷之也以柔而取之也以漸况旅長雖易而少將之封高等參謀之任待遇之優推與
之重非不深且厚也而張李二賊乃不能深悉政府之德意以爲此舉不啻親紆其臂而

奪之食乃負其險固倚其黨援輕視命官目無法紀始則拘囚南君訊以嚴刑旋復逼脅孔長迫之遠遁噫張李二賊心目之中尙有所謂國法者耶夫南孔之赴河東中央之命令而往也張李二人拘之迫之侮辱南孔卽爲蔑視命令此其罪不容誅者一也身體自由居住自由載在約法南孔二君既無罪狀而張李二人乃圍之以軍隊加以縛束箝手剝膚搜囊傾篋行爲有類於掠人之海賊明火之強盜侵犯自由蹂躪約法此其罪不容誅者二也據張李之所以誣陷南君者曰誘惑軍隊試問誘惑之證據安在無證據而擅捕之其理由又安在微論南君爲無罪之人不應逮捕縱日有罪使爲刑事犯乎則應由檢察廳起訴審判廳處理使爲軍事犯乎則應經軍法會議處理觀察使何人旅長何人豈執行刑事軍法之人耶侵越法權膽大妄爲此其罪不容誅者三也共和之國家以法律爲治理軍人之天職以服從爲義務當張李之擅捕南君也晉都督曾屢電河東張李均置不理尤爲荒謬張李之職不過觀察使耳旅長耳在省官制未佈以前當然附隸于都督治權之下今張李對於都督所發之令抗不遵奉且居然覆電將稱兵進省談判一切知有武斷而不知有法律敢于頑梗而不肯于服從者其罪不容誅者四也以上四

罪有一於此均在不赦况兼具而並包之乎前者彭壽松之於閩則政府查辦之唐繼堯之於黔則議員彈劾之今張李之事罪大惡極十倍於彭唐故政府對於此案非從嚴懲辦則啓頑梗弁髦之心失國家威信之重民國前途岌岌殆矣

革心報要聞

山西河東會議獨立之駭聞

昨有商人自山西運城來都備述河東自譚逮南檢閱使後著著進行圖謀獨立顯然畢露茲於去臘三十號假商務總會特開全體大會邀集各界同人首由觀察張士秀旅長李鳴鳳報告河東獨立宗旨繼言李爲都督張爲民政長公孫長子爲總司令督率進行或一律歸向陝西務脫山西羈絆各商號以事關叛逆故反對甚力復由張士秀威逼謂如不贊成卽一律拘留後經各商人腕言謂尙有財東鋪掌必待相商而後可於是張士秀始允散去後經商號聯電都督未及拍發卽被偵知將電報局員及聯名商號痛責拘押現尙未釋云

平報要聞

河東倡議獨立之駭聞

二十八

昨有人自山西運城來都備述河東自譚述南檢閱使後着着進行竟悍然不顧倡議獨立於去臘三十號假商務總會邀集各界特開會議首由觀察張士秀旅長李鳴鳳報告河東獨立宗旨繼言李爲都督張爲民政長公孫長子爲總司令督率進行或一律歸向陝西務脫山西羈絆時反對其說者甚多各商號爲尤力張士秀乃加以威迫謂如不贊成卽一律拘留後經各商人婉言謂尙有財東鋪掌必待相商而後可於是張士秀始允散去後經商號聯電部督未及拍發卽被偵知將電報局員及聯名之商號痛責拘押現尙未釋噫民國砥定共和統一已經一載化日光天之下何容更有此等野蠻不法之舉動若果如此意圖竊據破壞大局是卽所謂叛逆全國之人所當共誅之者也惟事雖據晉商口述其中有無傳說失實之處尙不可知姑誌之以觀其後

張士秀派兵進據韓信嶺是何居心

頃聞河東張士秀李鳴鳳現派該處九團一營飛向韓侯嶺進發行抵平陽被七團阻止現正爭持甚激聞該營非駐韓侯嶺不止

民隱報時評一

瘋僧

秦檜之陷岳武穆也以假詔

李鳴鳳之誣南佩蘭也以假信

秦檜所假之詔處專制時代得假君上名義以陷忠臣義士使抱不白之冤

李鳴鳳所假之信在共和世界不能假一司長名義以陷革命鉅子使伏無辜之法

夫千古奸險手段如出一轍李鳴鳳一紙而南君被逮其計得矣其手竦矣

乃此陷人之信竟誣之必不可假借之黃司長今司長尙在其舌尙存審判公開對質可辨非如專制君主予以不能辨誣之罪李賊雖秦檜其心恐三字獄不能再現於共和之世也

民隱報時評二

佛

河東逮捕南佩蘭之事生所要求於政府者三事（一軍隊全不解散）一財政統歸河東（二）（軍隊不歸太原節制）準是而論張李之圖謀不軌竊據一方之野心盡情畢露也河東腹地無庸多兵卽此萬餘人而全不解散是名以衛民實以害民也嶺南財賦居省

之半又有潞鹽大宗入款張李等所以敢言割據者此耳其實鹽政因借款關係歸中央收管祇此一百餘萬之賦稅其足以共張李等之揮霍而養不事事之遊兵之用費民力不支將有破決之一日也至不歸太原節制姑無論其獨立與竊據充張李之力竭河東一隅之財組織一地方自治完全機關而加張李於萬民之上是不啻縱一二虎狼於山中不食盡萬民之膏血而不止河東素號多材併此等機會而不識嗚乎河東嗚乎河東之民

中國公報要聞

孔繁燾業已到京

山西第一師第一旅旅長孔繁燾君自大總統任命後前赴河東接管軍隊被張士秀李鳴鳳抗不交代誣陷與南局長同謀查無下落一節已誌各報頃聞確實消息孔旅長到河東時即與已被害之南局長同寓籌餉局比張李派兵往拏南君時孔君聞訊不佳越牆而逃不避風雪行兩晝夜至河南閿鄉縣匿農家遂將軍服更換張李派兵往追四五日不獲而返吉人天相幸脫于禍旋沿途乞食徒行洛陽適逢厚友某君購票搭車已

于日前來京進謁大總統及陸軍部將河東希圖竊據詳情及張李二賊罪狀呈請中央速派軍隊勦辦以收統一之效而維晉省大局其詳細情節俟訪明再登

公意日報要聞

革命鉅子被逮續誌

河東籌餉局長兼檢閱使南君佩蘭被逮一節已誌前報茲復將各情臚列如左

(一)被逮原因 前大總統及都督以山西軍財兩政亟須統一遂委南君充河東籌餉局長兼任檢閱使而南君亦不避勞怨慨然辭去警道馳赴河東力謀軍財兩政之統一致招張士秀與李鳴鳳之銜恨久思所以排去之而未得其間近因南君對於裁遣軍隊及提解錢糧等事督促益急張李遂不顧輿論與法律之若何竟決意設法陷害之假名煽惑捏造証據將南君擅捕嚴訊冀得專橫一方云

(二)晉人憤激 省垣自聞南君被逮消息駭憤異常謂南君以革命鉅子磊落光明孰不欽佩乃竟因公招忌爲張李誣陷違法蔑理無逾於此故迭經各界舉代表請都督秉公辦理而旅京晉人聞之尤形憤激日前曾致電各報館及各界其原電云南佩蘭局

長在河東因謀軍財統一被張李銜忌假名煽惑擯捕私訊違抗法令旅京同人聞之駭憤已迭電都督民政長省議會各司道河東孔旅長秉公挽救務期主持公道迅速維持毋任誣陷爲禱旅京同人叩三十

(三) 議長南下 聞省議會議長王君用賓因南被逮一事已與石君瑩偕赴河東其詳細情形尙未得悉俟探明續誌

大自由報要聞

河東近事一束

潞實添設總稽查 河東鹽務向隸三省事務殷繁非有才識優卓之士總轄全綱不足以謀進行而資整頓近聞河東觀察使張士秀君遵照山西臨時官制於日前委派鹽政處辦理郭君朗清爲潞鹽全綱總稽查以專責成云

運城亦設軍需局 河東近因冬防吃緊土匪擾亂遂仿照歸化設立軍需局一所擬訂簡章呈請都督批示當經都督批准照辦即委景君蔚文充當局長照會民政長轉行財政司查照分行河東觀察使存案云

檢閱使所携槍械 河東檢閱使孔君繁燾南下時曾向軍政司領去老毛瑟步槍一百枝每枝隨子彈一百粒九響毛瑟槍二十六枝每枝帶子彈一百粒馬槍十五枝隨黃皮每槍帶十五條每枝連子彈二百粒兵夫靴帽棉衣褲皮帶十三套小皮衣十一件并先借新湘平銀八百兩應由河東於檢閱使餉糈內核扣以清款項而重餉需云

籌餉局長之被逮

河東籌餉局長南桂馨君自接任視事後黽勉從公百廢俱舉爲籌畫省南軍政財政任勞任怨有條不紊日前都督民政長省議會忽接河東觀察使張士秀及前第一旅旅長李鳴鳳來電據稱前局長桂馨煽惑軍心意圖破壞確有證據可查河東全局大受影響刻已拏獲交司法處審訊事關重大合行電陳詳情另達等語省垣得此消息異常驚駭省議會急委王議長用賓石君瑩南下解和都督卽委李敏楊彭齡兩君南下處理云

孔旅長行蹤可疑

河東檢閱使孔君繁燾奉大總統命令委充駐紮河東之第一旅旅長孔君由省抵運伊始來電致都督備述安抵運垣情形自是厥後已閱多日竟寂無音耗而舊旅長李君鳴

鳳來電則謂孔君至今猶未到運欲即交卸無人接印等語省會及各界接電後對於孔君行蹤無不疑慮交集昨聞都督已致電河東詢詳情云

十四號

革心報專電

閩督遵中央令派楊彭齡李敏赴河東提南局長抵運四五日尙無音信此次恐難提到

(太原)

革心報要件

(續昨)

南君佩蘭被逮前後實錄

(七)南君被逮之情況 當孔旅長入運時身帶微疾并未與張李接洽逕至籌餉局息養因孔與南君素熟彼等以爲一切事件均係南君主動卽於十二月二十七號張李諸人齊集旅本部差請南君詐言有事相商南君當卽前往甫至則張李在焉遂詰南君孔旅長之來運原因爾答孔旅長係大總統及都督委任其原因非馨所能知語畢首由張士秀大罵放屁此事全係爾一人作爲禍首罪魁今日易旅長後日必換觀察將致吾等

於何地南云汝等既以我爲罪魁儘可殺害渠卽喝令李鳴鳳將南君用繩捆縛并云我不殺爾將槍斃爾遂嚴押并邀孔旅長到署次日卽嗾走狗郝富珍謝得元劉得魁帶領所部將籌餉局圍困并將一切銀兩馬匹槍械子彈往來公文信件以及各職員兵夫衣服被褥擄掠一空其餘人員嚴防出入又將各電局郵局派人把守運城內外刻下戒嚴後又將南君轉押模範監獄

(八)張李事後之伎倆 於張士秀李鳴鳳擅拿孔旅長南局長後自知已成騎虎之勢遂抱定一誤到底之宗旨捏電各處其電畧云河東久已安謐近經南局長以金錢運動軍人多方煽惑均有確証市面恐慌軍界少憤茲已將孔南二人看管候審俟訊得實供再行續報等語希圖搪塞張士秀又恐人民怨已故復出詭示畧云籌餉局長南佩蘭自到運後煽惑多端運動軍界離間營團私運槍械意圖擾亂形迹敗露各界譁然已拘旅部絕不爲難文明辦理暫爲禁監諭爾商民勿警各安

(未完)

平報要聞

河東之慘劇尙未演完

山西河東籌餉局自張士秀李鳴鳳將局長南佩蘭拏獲誣害後遂將該局用兵圍住將二等局員劉澧三等局員王國珍非刑日夜拷打勒逼口供聞該局員等受刑太重俱奄奄待斃云

民隱報時評

陷晉軍於覆歿者姚賊之罪也誣南君之不法者李賊之奸也記者無誅逐解救之實力僅此自由言論權固約法所許他人不得過問也

都督處於行政最高機關欲維持將決之現狀故對於姚賊之事（曰將宣布其罪狀對於南君之事）曰必設法以救濟一再發令者意欲和平解決耳其實命令自命令輿論自輿論遂並行而不相悖非真干涉言論之自由權也

乃某報喋喋言之特別注重於都督之命令一若此等命令與言論界有若何之關係吾無以名之也奴隸性根深固不拔而已

京津時報要聞

張士秀等倡議獨立之舉動

河東觀察使張士秀旅長李鳴鳳倡議獨立於日前邀集各界報告河東獨立宗旨倡言李爲都督張爲民政長公孫長子爲總司令督率進行歸向陝西脫離山西羈絆反對其說者以各商號爲尤力張士秀乃加以威迫謂如不贊成卽一律拘留各商人婉言回店相商始散商號擬聯電都督未及拍發卽被偵知將電局及聯名之商號痛責拘押聞張李現派該處九團一營飛向韓信嶺進發行抵平陽被七團阻止現正爭持甚激又聞李鳴鳳拘禁南桂馨後中央電飭解省山中央派員審訊並云南桂馨應得如何罪名自有國法若該旅長任意辦理法律所在斷難姑容不謂李鳴鳳已將南桂馨處以死刑矣

公意日報要聞

革命鉅子被逮三誌

(幾甲)

(一)大總統及國務院之憤激南君佩蘭被張李擅行逮捕之消息傳報到京大總統及國務院深爲震怒謂張李等此種舉動實屬跋扈已極無論南某有何過失斷無擅捕私訊之理因卽一而致電都督飭令提省查辦一而電令張李交歸省垣辦理如張李等仍屬一味專橫抗不交納卽按土匪剿辦等語都督接電後日前已派楊君彭齡李君敏之

前往提案云

(二)北京國民黨總部之憤激南局長蒙冤被捕後北京國民黨總部諸黨員聞之莫不憤激謂南君係革命鉅子其素行爲同志所共欽今張李等竟誣以煽惑軍心欲陷害之同志諸人決不承認因卽協議辦法擬派黨員數人前往河東救釋而張君溥泉者爲革命元勳向與南君交情最厚遂願不避勞苦親赴河東以爲老同志一白其冤因卽偕黨員數人於日前已抵河東又聞張君臨行之時內閣總理趙智庵曾密囑多言大意謂抵河東後無論如何務必以保全南君歸省爲善云

十五號

平報要聞

孔旅長已將河東情形呈明大總統矣

山西第一師步兵第一旅旅長孔繁燾由河東逃難來京一節已誌本報頃聞於日昨謁大總統時將東河張士秀李鳴鳳種種罪狀併南局長被害情形開具簡略詳呈一切并面請辭職以避風潮旋經大總統溫語挽留以該旅長與南局長才長心細諳練軍事中

央因事擇人故任命授職以收軍政財政統一之效乃張士秀等希圖竊據破壞全局殊於民國前途大有障礙且閻督亦力主和平未免過事優容聞擬派駐保第六旅旅長鮑貴卿迅調得力軍隊一旅由河南開往河東聲討其罪卽飭孔旅長與鮑旅長就近接洽妥商進兵要領以維晉局而收統一云其詳情俟訪明再登

河東果能和平解決否

日前閻都督因河東誣陷南局長拘拏刑訊一事奉大總統命令派楊彭齡李勉星夜馳赴河東提案交中央審訊迄今已十數日楊李毫無消息晉省各界迭訊閻督均甚激烈聞閻都督從容坐鎮極力主張和平了結云

革心報要件

南君佩蘭被逮前後實錄

(續昨)

(九)各處聞信之憤激 張士秀李鳴鳳自擅拿孔南後復使其鬼域伎倆捏電分拍詭示遍貼自以爲能朦朧外人耳目而不知司馬昭之心路人早已窺之於是各處如旅京同人清河及保府軍官學堂同人忻代甯保及晉北當選同人以上黨同人函電交加并省

垣軍學警商各界各團體均異常憤恨茲將各處來電擇略錄後都督民政長各司道鑒
頃聞南佩蘭因力籌河東軍財兩政統一觸人猜忌假煽惑軍心重情擅拿嚴訊旅京同
人聞之駭憤南君在省政績卓著前赴河東以來籌辦各務諸稱穩健忽被羅織大與輿
論法律均相違抗諸公身膺重寄此案實爲全省安危所繫務請設法解決毋稍冤抑是
爲盼禱旅京同人暨軍官學生公電又都督民政長省議會各司道各報館河東協會國
民黨支部通合會鑒頃接京電悉南佩蘭君在河東被誣拿刑訊請速電救查佩蘭係奉
命令委派人員無論虛實均應提省訊問倘被誣害同人等誓以死報忻代甯保同人叩
餘不贅述

革心報專電

楊彭齡李勉奉中央命令赴河東提南佩蘭案已逾十日毫無消息省垣各界忿怒萬分
勢甚激烈閻督極力主持和平了結以維全局

(太原)

河東九團長景蔚文已移駐平陽城內其二營亦移駐附近史村

(太原)

革心報要聞

派趙調查辦河東事項

大總統因河東張士秀李鳴鳳等蠱惑獨立愚民無知爲張李所挾擬欲強佔韓信嶺等情大總統以此事關係重大特派趙倜親赴河東查辦一切聞趙君於今早已乘車首途云

京津時報要聞

山西河東旅長之跋扈

把持財權 河東爲山西財賦之區每年進款約二百萬自光復後非特不解中央並不解省上月派南桂馨爲河東籌餉局局長清理財政解散軍隊以是爲旅長李鳴鳳觀察使張士秀所恨藉詞南桂馨煽惑軍隊將南拘禁

拘禁南氏之藉口 李氏拘禁南桂馨之憑證據云李氏在南衣篋中搜出山西軍政司長黃國樑致南氏一信中有語云山西軍隊之事如能平和達到目的雖多費金錢亦所不惜某某營長須加意籠絡利用一時不然我輩萬不可不犧牲私交顧全大局也事關軍事務守秘密主義等語李遂據此宣告南桂馨死刑並呈大總統國務院陸軍部請懲

辦軍政司長黃國樑

大總統之去電 大總統閱李呈文大爲震怒當卽去電嚴詞拒絕電文中有南桂馨如有絲毫損失定惟該旅長等是問國法具在斷難姑容

孔旅長之來京 自中央任命孔繁爵爲旅長後孔卽赴河東接收軍隊李氏拒不納連電晉督謂孔旅長不知下落無從交替不日整旅北行而商一切晉督卽將該電轉呈大總統當由中央復電詰問該旅長整隊北行意欲何爲電中有該旅長不自愛其身不自愛其家獨不愛河東桑梓之地乎刻孔旅長因該處風潮甚惡業於前日到京報告一切裁撤軍隊統一財政爲目前救國第一要務想政府決不能任其橫行無忌也

新中國報時評

河東股肱之疾

晉人囿於南北畛域之見始而排外繼而內訌幸有閻督雍容坐鎮不持意見未致釀起巨烈之風潮

歲暮河東觀察使拘禁省使南桂馨肆意挾迹近跋扈今則明目張膽倡議獨立並遣

兵進據平陽居心不軌已可概見

若張之爭攘權利蓄志割據是不徒一省之巨惡抑亦比國之公敵人人得而誅之者然而張之負抗一隅不過以卵擊石殊不足懼吾所凜凜危懼乃天下之大甯獨一張士秀云爾

聞有彭擾黔有席變股鑿不遠蓋亟圖之

中國公報要聞

南局長死於非命

昨得山西友人專函云山西財政河東鹽款及地丁錢糧幾佔全省十分之六自去歲省垣起義後張士秀李鳴鳳王用賓諸人據爲己有並不解省亦不呈報用途遂在運城設立迴瀾公司及崇義晉錢店任意揮霍狼狽分肥去夏都督民政長因謀財政統一與省議會協商設立籌餉局呈請大總統委南佩蘭爲局長不意南任事後辦事認真將張等弊端和盤托出張等恨之刺骨遂於日前誣南以煽惑軍隊派兵勒拿用非刑拷打希圖致南死命以滅其口頃聞南局長受刑太重已斃命河東矣

大同報要聞

河東之亂象

大總統因河東張士秀李鳴鳳等蠱惑獨立愚民無知爲張李挾迫擬欲強佔韓信嶺等情大總統因此事關係重要特派趙倜往河東查辦一切聞趙君於今早已首途矣

民隱報時評

昔者楊椒山之被逮也笞杖橫加股肉盡脫雖未服罪而竟不免於死

今者南佩蘭之被逮也亦笞杖橫加股筋且斷雖未服罪其苦亦云難堪

嗟乎今昔之事何其若合符節耶惟是楊之冤獄猶在專制時代黯無天日時實爲之猶不足怪而南則革命手創幸逢共和刑訊惡制既去法律亦漸文明然猶遭此非法之慘刑豈其鍛鍊周內者不畏民國之法律乎不畏民國法律獨不畏民國之輿論乎

記者明矣蓋南之所以被逮者以其非南也南之所以被刑者以其爲南也使南子爲南則雖百千萬億之南方且保護不暇又何能誣陷之哉

諺云是非有公論公道在人心南子今雖不幸吾知天下之爲南史者必不能三緘其口

爲闖獻諱也

十六號

平報要聞

孔旅長詳陳河東情形

山西第一師步兵第一旅旅長孔君繁壽由河東逃出奔赴都城而謁大總統呈明河東種種情形已誌前報茲復探得孔旅長原呈大總統節略於河東情形及此案原委甚爲詳盡合亟登出節略如下

一張士秀把持河東鹽款設立迴瀾公司及崇義晉錢鋪代收儲存至地丁錢糧各款亦不解省併不呈報用途祇與李鳴鳳狼狽爲奸互相分肥都督民政長因謀財政統一遂議設籌餉局專管徵收地丁發放兵餉等事呈請任命南桂馨爲局長

一南局長至河東後張士秀並無冊簿祇交空文一角清單一紙內開所有鹽款地丁各項悉數用盡

一李鳴鳳於每月領餉時祇有印領並無細冊其餘各營亦無確實數目南局長按照陸

軍向章辦理所有一切兵餉非具有各營團清冊不得發放查本旅活支銀三千兩馬乾銀四千餘兩其實銷數目每月祇需銀二千兩其餘悉被李鳴鳳侵吞因之各營長與李鳴鳳大相衝突而與南局長銜恨遂日益深

一本旅官長多係前清第一標老頭目與南局長感情甚洽李鳴鳳因自己弊端均被南局長查出而各營長又與南局長感情相投恐陷危險遂運動第一團第二營營長郝富珍第二團第三營營長謝德元礮一營營長劉得魁故意與南局長種種反對張士秀亦以李鳴鳳之弊端業經敗露則私自實迹亦難隱瞞遂百出伎倆主謀反對都督暗使李鳴鳳運動各營出而作亂伴爲調停實則居心叵測希圖擾亂大局擁兵竊據

一旅長於二十四日抵運後聞張士秀李鳴鳳邀集各營並各商號每日開軍事會議所議何事雖不甚悉其大旨係研究反對中央任命非借題發揮不可二十五日開議時張士秀持無名信一封聲言由省中寄來內云已派定孔某接旅長事王乾三接二團事李某接某營事閱畢即將原信撕破擲地隨被劉得魁檢起對衆誦讀於是衆皆憤恨不平李鳴鳳遂哀求各營長保其地位

一二十六日合城發散傳單歡迎公孫長子查此人係由石莊與旅長途遇。十七日開會時公孫長子主張反對中央命令尤力并勸各營一致進行閉會後卽向運城知事要大車多輛聲言開差并貼店站等事一時全城驚慌旅長與南局長在籌餉局得此種種情形仍持穩健主義想若輩當不至如此蠻橫是日夜一鐘半有李復佐差人專函請南局長赴東鹽廠排解河東事不意甫至東廠卽被張李扣留捆執拷打二十八日早張士秀送信籌餉局令大家不必驚恐祇云南局長與李鳴鳳口爭被李扣留旅本部惟時均以和平解決爲主當由旅長與張士秀去信請以大局爲前提極力和解爲望彼等竟置之不理擅委局長杜連瑞勒索餉械解散護局工程各隊分配各營又派人請旅長至伊署暫避數日甫出門彼卽派兵圍局并將局內款項賬目及密碼電本等件搜去此時將電報郵政各局均已派人把守四門緊閉全城戒嚴旅長見其種種舉動心不可測遂赴馬一團一營營長公寓暫避當聞將南局長用刑審訊并聲言與南局長起訟已密電中央云云

一查張士秀告示內云南孔二賊均被拿住商民勿驚等語當聞若輩派兵四出搜捕旅

長旅長急於二十九日微服乘隙出城在附近民村暫住二日一面派人進省報告都督一面懇請士民探聽彼等情形據云彼等已派兵駐守黃河各口又調第九團團長景蔚文守韓信嶺等處并聯絡陝西陳旅長以爲抵抗之計初一日旅長始由運徒行初四日抵河南府初八日來京旅長本中央任命人員遇此危機大局攸關不得不隻身赴都據實呈報

南局長被害之又一因

山西河東南局長佩蘭被張士秀李鳴鳳誣害情形已屢紀本報茲復探聞南君被害其中尚有一種原因景耀月者河東芮城人也曾充南京政府教育次長是時南局長亦任南京政府參事因山西借到公債票一百萬景耀南在滬以七成出售而自得三成事已成熟爲南偵知大爲反對當在國務院揭明此事并揮之以老拳景銜之而無如何也忽於日前被張李電促回運到河東時張李又開會歡迎聘爲高等顧問月薪千二百元河東之事遂全權在掌握中矣此次河東種種不法舉動聞即景與狄樓海王用賓三人計畫審訊南局長時用非刑勒逼口供以冀坐成實案乃南君秉性剛直毫不畏死無法可

施復構通第二營營長郝富珍第三營營長謝德元礮一營營長劉德魁等誣以煽惑軍心之罪遂成此駭人聽聞之冤獄聞南君已經斃命矣

閩都督請廢河東觀察使

山西河東觀察使張士秀及第一旅旅長李鳴鳳倡言獨立不受都督節制迭經該省都督報告詳情并派孔繁燾接充第一旅旅長迺昨日閩都督電請政府裁撤河東觀察使一缺另簡鹽運使帶兵前往接替

革心報要件

南君佩蘭被逮前後實錄

(十)李鳴鳳無聊電報 李鳴鳳自誣孔南二君捏電各處後意在要挾執意各處憤激異常終日函電詰責都督一致不理渠恐難卜美滿結果遂用恐嚇手段拍來一電云太原閩都督鑒敬電悉鳴鳳早擬息肩前請辭職都督未准實非所願勉強從命耳今蒙派孔君接替私心頓償當即靜候交代但孔君不知何在亦無函電無從交卸茲定於一月三號整率全旅共患難之弟兄起程北上與都督當面完全交代以息仔肩而釋重負并

談判一切至高等參謀責任極大無軍學事如鳴鳳者何敢濫厠謹辭旅長李鳴鳳叩印到省後都督仍未答覆渠又使卑劣手段與楊錢甫來電大致謂南佩蘭在運喉軍隊陰謀二次革命經各營長告發弟恐衆怒難犯萬一波及性命有傷友誼因設法將渠看管以全渠於危險區區之心可告知已并祈轉告省垣各機關勿生誤會等語其無聊之情已畢露矣

(十一)屯積軍糧之可疑 山西河東自去年入秋以來即陸續採買大宗米麥藉口軍隊屯集不得不先事綢繆故前後共購八千餘石每石價銀由四兩遽增至八兩者茲經誣逮南檢閱使後復行大購特購幾有買斷糧根之勢用價較前更昂該處無業貧民因之大受影響多有流爲盜賊以致嶺南一帶時有土匪劫掠之耗不知此糴是欲備荒耶而嶺南已普降雪雨矣欲備軍需耶而河東僅及一旅約計可供數年若此自行廣積不已其中必有深意存焉吾不禁爲三晉人民哭更不禁爲民國前途哭

(十二)南局長悲雨慘風 山西河東最近消息張士秀李鳴鳳自誣逮檢閱使兼籌餉局局長南佩蘭後每夜邀同景耀月及謝郝諸營長嚴刑審訊本欲屈打成招無奈刑訊

數日並無口供因而假捏函電多分冀圖誣賴又恐提案到省水落石出乃景耀月出其毒惡手段使南自斃則死無招對故近來斷絕飲食已數日矣反倡言南不甘食屢進屢退恐有性命之憂以期掩飾將來嗚呼張李休矣世豈有甘餓數日而不欲食者乎彼張李景者可謂慘無人道矣悲哉南君傷哉南君

革心報要件二

山西第一師步兵第一旅旅長張孔繁蔚謹將河東情形開具節略敬呈

大總統鈞鑒

計開

一張士秀把持河東鹽款設立迴瀾公司及崇義晉錢鋪代收儲蓄至地丁錢糧各款亦不解省併不呈報用途祇與李鳴鳳狼狽爲奸互相分肥都督民政長因謀財政統一遂議設籌餉局專管徵收地丁發放兵餉等事呈請任命南桂馨爲局長

一南局長至河東後張士秀並無冊簿祇交空文一角清單一支內開所有鹽款地丁各項悉數用盡

一李鳴鳳於每月領餉時祇有印領並無細冊其餘各營亦無確實數目南局長按照陸軍餉章辦理所有一切兵餉非具有各團營請冊不得發放查本旅長活支銀三千兩馬乾四千餘兩其實銷數目祇每月需銀二千兩其餘悉被李鳴鳳侵吞因之各營長與李鳴鳳大相衝突而與南局長銜恨遂日益深

一本旅官長多係前清第一標老頭目與南局長感情甚洽李鳴鳳因自己弊端均被南局長查出而各營長又與南局長感情相投恐蹈危險遂運動第一團第一營營長郝富珍第一團第三營營長謝德元炮一營營長劉德魁故意與南局長種種反對張士秀亦以李鳴鳳之弊端業經敗露則自私自實迹亦難隱瞞遂百出伎倆主謀反對都督暗使李鳴鳳運動各營出而作亂伴爲調停實則居心叵測希圖擾亂大局擁兵竊據

一旅長於二十四日抵運後聞張士秀李鳴鳳邀集各營並各商號每日開軍事會議所議何事雖不甚悉其大旨係研究反對中央任命非借題發揮不可二十五日開議時張士秀持無名信一封聲言由省中寄來內云已派定孔某接旅長事王乾三接二團事李某接某營事閱畢即將原信撕破擲地隨被劉德魁拾起對衆誦讀於是衆皆憤恨不平

李鳴鳳遂求各營長保其地位

革心報要聞

南局長被害之一因

山西河東南局長佩蘭被張士秀李鳴鳳誣害情形已歷誌各報茲經確實調查南君被害原因內有一景耀月者河東芮城人也前充南京教育次長時南局長亦任南京政府參事因山西借到公債票一百萬景某朦混南局長在滬上以七成出售所餘三成即飽私囊旋被南局長偵知大爲反對曾在國務院聲明奸計並揮以老拳景某銜之刺骨久思誣害實無可乘之機乃忽於日前被張李電促回運臨行時徧向北京購買手槍併與在京河東同人譚及對待南君甫抵河東遂被張士秀李鳴鳳開會歡迎聘爲高等顧問月薪一千二百元車馬費八十元大權在握魚肉鄉民此次河東希圖竊據誣害南君即景某與狄樓海王用賓三人計畫聞審訊南局長時伊用種種非刑勒逼口供以冀實打虛招坐成冤抑鐵案乃南君秉性剛直不畏一死某某等見無法可施遂用賄使第二營營長郝富珍第三營營長謝德元炮一營營長劉德魁等誣以煽惑軍隊罪名以洩其忿

並揚言南君飲食不進已於日前斃命矣

京津時報要聞

河東風潮再誌

河東張士秀李鳴鳳變亂風潮各節已迭誌本報茲聞孔繁爵旅長由河東逃難到京謁見大總統將張李種種罪狀及南局長被害情形而陳一切並力請辭職旋經大總統慰留以該長與南局長才長心細諳練軍事中央因事擇人故任命授職以收軍政財政統一之效乃張士秀等希圖竊據破壞全局殊於民國前途大有障礙閻督力主和平未免過事優容聞擬派駐保第六旅旅長鮑貴卿迅調得力軍隊由河南開往河東聲討其罪即飭孔旅長與鮑旅長就近接洽妥商進兵要領以維晉局而收統一云又聞晉督因奉大總統命令即派楊彭齡李勉赴河東提案交中央審訊迄今已十數日毫無消息各界異常激烈現閻都督對於此事仍極力主張和平了結

燕京時報要聞

晉都督請裁河東觀察使

山西河東觀察使張士秀及第一旅旅長李鳴鳳倡言獨立不遵都督節制其情形迭經閩都督報告並派孔繁爵前往接充第一旅旅長茲聞昨日閩都督又有電致政府請即將河東觀察使一缺裁撤由中央另簡鹽運使帶同兵隊前往接替云云

國華報要聞

政府對於山西河東倡亂之辦法

山西河東部第一旅旅長李鳴鳳及河東觀察使張士秀二人倡言獨立迭經閩都督報告在案茲得政府及山西各方面情形誌下

(一)裁撤觀察使 日昨閩都督特爲河東潛謀獨立電請將河東觀察使裁撤由中央簡任河東鹽運使一名帶兵前往接任云

(二)派遣查辦員 大總統日前委任趙倜前往河東查辦此事

中國公報要聞

南局長被害之又一因

山西河東南局長佩蘭被張士秀李鳴鳳誣害情形已歷誌本報本館昨又接友人函告

此事經確實調查南君被害原因內有一景耀月者河東芮城人也前充南京教育次長時南局長亦任南京政府參事因山西借到公債票一百萬景某朦混南局長在滬上以七成出售所餘三成即飽私囊旋被南局長查知大爲反對曾在國務院聲明奸計並揮以老拳景某銜之刺骨久思誣害實無可乘之機乃忽於日前被張李電促回運臨行時徧向北京購買手槍併與在京河東同人譚及對待南君甫抵河東遂爲張士秀李鳴鳳開會歡迎特聘高等顧問月薪一千二百元車馬費八十元大權在握魚肉鄉民此次河東希圖竊據誣害南君即景某與狄樓海王用賓三人計劃聞審訊南局長時伊用種種非刑勒逼口供以冀實打虛招坐成冤抑鐵案乃南君秉性剛直毫不畏死景某等見無法可施送賄使第二營營長郝富珍第三營營長謝德元炮一營營長劉德魁等誣以煽惑軍隊罪名以洩其忿併揚言飲食不進已於日前斃命矣

派兵聲討張李二賊

山西第一師步兵第一旅旅長孔君繁爵前由河東逃出來京一節已誌本報頃聞於日昨謁大總統將張士秀李鳴鳳擁兵獨立誣害南局長佩蘭一切情形開具節略九條呈

請大總統派兵剿辦併自告奮勇願身作先鋒剪除張士秀李鳴鳳二賊以保河東生靈云云經大總統深爲嘉許以該旅長與南局長俱爲中央任命職官張李等膽敢私自拘拿用非刑拷打實屬目無法紀且張李等謀爲不軌破壞統一本大總統早有所聞閻都督苦心優容亦未免過事和平非派兵嚴剿殊於民國統一大有障礙聞已電調鮑旅長貴卿開拔軍隊一旅迅赴河東聲討其罪並電河南陝西兩省都督亦派兵合剿其詳情俟訪明再登

新中國報要聞

晉陽近訊

山西河東之難倣備戒嚴已與太原成對抗之勢南氏被戕後聞往就任之旅長孔繁蔚氏微服逃遁不知下落聞太原兵警多與河東聲氣相通張瑞璣氏堅辭民政長半係畏難半係受東黨之脅迫閻都督有辭職之說因之商民一日數驚謠言紛起省城及徐溝太谷平遙等屬富戶已多有遷移避難者

又聞河東派兵進駐韓侯嶺一帶侯馬亦駐一隊太原省會派人調停雙方均未讓步中

央派出查辦之員現在省城留連尙未東往並聞張李二人意見亦不合時有爭議晉中紳富多半遷移因之正太鐵路搭客極形擁擠云

國維報要聞

觀察使●●●鹽運使

晉督電稱張士秀等情形異常跋扈不能以情遣理喻非以兵威臨之事必不易解決河東政事鹽務爲重請將河東觀察使一缺裁撤由中央另簡鹽運使帶兵前往或李等有所畏懼易就範圍云

民隱報時評

夫河東者以統一之言之固山西之河東以分部的言之亦河東之河東斷非張士秀李鳴鳳所可竊據之河東也今張李二賊借河東之名義固一己之權位種種不法加全體人民以謀逆之行爲河東何不幸而有此二賊也

使今日南君之事實有不測大總統必以戕害命官當然以土匪目之夫土匪者張李也非河東之民也河東之民以張李專橫故無端受種種之危險使因此或受軍隊之干涉

地方蹂躪殃及池魚則雖食張李之肉寢張李之皮豈足以被其辜乎

張李張李爾以爭權固位之心累無量數同胞以土匪之惡名寢夜自思尙有幾微之仁心而忍出此耶嗚乎河東嗚乎河東之民

公意日報要聞

革命鉅子被逮四誌

(秋)

南君佩蘭之被張李設法逮捕也聞於是日有河東鹽務總幹事李君復佐請南宴飲南至李曰尙有兩友未至請少待南詢爲誰則張觀察李旅長也已而張李至與南相見歡若平生酒數行張觀察謂南曰聞汝近欲爲旅長果屬何意南怫然曰是何言也南某來此乃爲軍財統一事脫不諧南某惟有歸耳言未已張旅長大聲曰汝飛也難逃俟槍斃時汝鬼魂歸可也遂嗾護兵緝之南被綁後問張李曰南某所犯何罪張李皆不答南慨然曰南某不死於革命而來河東既來河東豈畏死哉快以槍來便了何用綁爲是時南所帶兩護兵亦被綁李幹事駭愕不知所爲張李遂囑護兵將南扯至旅本部途間揪扯衣裘俱碎身無完膚冠履委道上至旅部將南倒懸屋梁上此二十六日上午一鐘也至

四鐘各營長聞急來解救始行放下已而張李又着人將籌餉局劉文波等縛來問孰爲南某司文件者劉曰某即是也問南某所與往來各種電函稿件安在劉云無有再問而言如故李怒打軍棍二千劉潛然曰雖要吾命亦是無有李怒甚處以皮鞭血肉狼藉翌日而氣絕南自二十六至二十八三日粒米滴水尙未入口云

公意日報時評

張士秀與李鳴鳳近又因迫索函件而斃劉文波於杖下矣

夫劉文波無罪而被張李擅行逮捕違法已甚乃復濫施非刑杖責不已繼之以鞭血肉狼藉慘無人道直至奪其生命而後已不意共和時代而河東一隅竟暗無天日若是耶設計誣陷南局長則因其統一軍財兩政陷之則軍財悉歸其掌握而可以長此稱雄也設計謀害孔旅長則因其接管河東軍隊害之則軍隊悉由其操縱而可以專橫一方也若劉文波則既非局長又非旅長絲毫不能妨礙張李之行動乃亦必置諸死地而後快胡殘忍至於此極耶

嗚呼張李汝輩如此違法如此害人縱不爲山西大局計獨不爲民國前途計乎即不爲

民國前途計並己之身家性命亦不計乎罪大惡極張李二人殆亦可謂無獨有偶矣

十七號

平報要聞

張李尙知畏法耶

河東張士秀李鳴鳳自將南局長誣捕冤抑置死後知南爲中央任命之員國紀俱在法網難逃深恐政府聲討其罪乃故意捏造種種証據以爲對待抵抗地步一面假造南局長煽惑軍心之信件並一面將籌餉局賬簿任意改注如入款項下則加以某日由觀察使署撥銀幾何於出款項下則加以某日南局長用銀若干其所以必欲置南局長於死地者亦殆爲滅口計耳頃聞駐紮河東各營營長除附和張李者祇有二人外餘俱遞呈張李力辯南君被誣可知公道自在人心張李雖奸詐能以隻手掩盡耳目哉

民隱報時評一

專橫時代之故入人罪也以口供
文明時代之故入人罪也以證據

南佩蘭之被逮也李鳴鳳固以煽惑軍心查有確據通電掩人耳目無論其罪之有無證之真僞待質可也刑訊胡爲者

是明明其所謂確據者必係捏飾始多方刑迫口供以實其假借也

夫南佩蘭革命鉅子耳處專制威力之下其搜捕黨人何等嚴秘待遇黨人何等殘虐而運動不少息迨起義之後奔馳於槍林彈雨之中而志氣未嘗少挫早已甘死如飴耳雖用種種之非刑百般拷打欲南君之實究虛坐也能乎張李張李行見爾之作奸自斃也

民隱報時評二

某報以張李爲武穆南君爲秦檜鴟鵂鼠蜈蚣甘蠶性與人殊難以理喻本無辯駁價值記者早已置之奚擇何難之例惟稱（張李之於山西猶武穆之於南宋）吾不知該記者出此言時天良尙在否也武穆爲南宋保障當時巨寇如楊太之流皆將數千軍而滅之今河東浮山新絳等區土匪遍地張李擁萬餘之衆坐視民之擾害而無可如何乃某報以武穆諛之張李有知當羞死矣至謂（南君此去不異金牌北下）擬不於倫尤屬萬分可笑夫秦檜之詔假詔也南君此去總統命令煌煌俱在而該記者假之是誣一南君

併誣我四萬萬同胞付託之總統之命令尙有絲毫法律心乎至曰（張李之明過於武穆不然則河東不堪設想張李之軀早陷佩蘭羅織中）獨不觀中央命令予李以高等顧問之任乎而謂南君羅織張李非信口雌黃乎張李等此種不法行爲明明爭權固位如曹石之陷忠肅不害南君爾輩此舉爲無名記者雖不文徵實耳豈若某報之空中樓閣爲無事實之是非乎由今以往大總統以張李之違反命令破壞統一必有所以處置之恐河東爲二奸所累殆不堪設想耳記者不言矣將拭目以觀

京津時報要聞

南桂馨被害詳情

山西河東觀察使張士秀及第一旅旅長李鳴鳳倡言獨立並陷害南局長一節略誌前報茲又得一消息聞張李自將南桂馨拘留後知南爲大總統任命職官如中央派員查辦時證據毫無雖負固一隅恐難操對待必勝之權遂設種種伎倆一面與南假造煽惑軍心若干信件又一面將籌餉局之帳簿任意改註如收入項下加以某日由觀察使署撥來款若干於支出項下則加以某日南局長或王副局長用款若干故將南局長之生

命誣害以滅其口使無從質證誠欲捏以侵吞公款之名以抵其誣捕不法之罪頃聞有河東商民五千餘人呈控張季之不法力辯南局長被誣情形公道在人當道者諒不難察得此中真相也

河東風潮之又一說

南局長被害等情已誌昨報茲又得一消息南君並未遇害祇被囚禁鞭撻甚形危急云

中國公報要聞

假造信件改注賬簿其如人心公道何

河東張士秀李鳴鳳自將局長南佩蘭誣陷捕獲後知南爲大總統任命之官如中央派員查辦時證據毫無雖負固一隅恐難操對待必勝之權遂設種種伎倆一面與南假造若干信件又一面將籌餉局賬簿任意改註如收入項下加以某日由觀察使署撥來款若干於支出項下則加入某日南局長或王副局長用款若干故將南局長生命必置之死地以滅其口使無從質証誠欲誣以侵吞公款之名以抵其擅捕不法之罪然居心險巧公理難掩頃聞河東商民有數千人日前遞呈張季力辯南局長被誣情形以伸冤抑

而彰公道

國民公報要聞

南佩蘭被害之冤狀

河東張士秀李鳴鳳自將南局長佩蘭誣陷捕獲後知南爲總統任命職官如中央派員查辦時證據毫無雖負固一隅恐難操對待必勝之權遂設種種伎倆一面與南假造煽惑軍心若干信件又一面將籌餉局之帳簿任意改註如收入項下加以某日由觀察使署撥來款若干於支出項下則加以某日南局長或王副局長用款若干故將南局長之生命誣害以滅其口使無從質證欲捏以侵吞公款之名以抵其誣捕不法之罪然居心險巧公理難掩頃聞有河東商民五千餘人遞呈張李力辯南局長被誣情形以伸冤抑而彰公道云

革心報要件一

南君佩蘭被逮前後實錄

續昨

(十三)河東無意識之造謠 山西河東自誣逮南檢閱使後函電交加報紙宣揚誣軍

政司長與南檢閱使往來密電函件有通同作弊之說始謂囑以金錢運動聯絡各營長繼言設法處置各營長種種謠言不一而足嗣經各方面確實調查該處發表者全屬子虛查河東各營長多係黃君舊部下南王二君亦係黃君舊好平時均有往來通候函件及新簡孔旅長南下之先各營長頗有不滿意之耗黃君爲大局起見乃函電勸諭囑令和衷共濟力顧時艱委因各營駐紮無定直寄不便故由南王二君分轉亦屬常有之舉按之公則黃君身任軍政於一切秩序自應預爲維持分函諭令宜也揆之私則均屬舊部分函勸勉亦宜也該處不此之察反造出種種謠言以作一網打盡之計何其欺心若是之甚也

(十四) 觀察使威逼新旅長 自南佩蘭被逮後新簡孔旅長卽於次日由籌餉局函知李旅長聲明奉命南來檢閱所有旅長一職關係重要弟實不勝任請勿見疑等語旋由張士秀飭差持函來催(函云來示悉省電此間概不知悉閣下來運檢閱亦未曾聞既云接旅長請接旅長可也此候芸生仁兄台安愚弟張士秀免冠)復經來差口傳云觀察使請新旅長速去必須攜帶鋪蓋彼處已預備空房兩間觀此其威逼之情顯然流露

况軍民分治三晉早已實行觀察之於旅長本兩途也即使合治爲觀察者安能干涉旅長嗚呼威則威矣其如權限公論何既函催孔君接事於前復電達省垣不知孔君何在於後狡猾伎倆已招人耳目嗚呼狡則狡矣其如互相矛盾何

革心報要件二

山西第一師步兵第一旅旅長孔繁燾謹將河東情形開具節略敬呈

大總統鈞鑒

計開

(續昨)

一二十六日合城發傳單歡迎公孫長子查此人係由石莊與旅長途遇二十七日開會時公孫長子主張反對中央命令尤力並勸各營一致進行閉會後卽向運城知事要大車多輛聲言開差並貼店站等事一時全城驚慌旅長與南局長在籌餉局得此種種情形仍持穩健主義想若輩當不至如此之蠻橫是日夜一鐘半有李復佐差人專函請南局長赴東鹽廠排解河東事不意甫至東廠卽被張李扣留捆執拷打二十日早張士秀送信籌餉局令大家不必驚恐祇云南局長與李鳴鳳口爭被李扣留旅本

部惟時均以和平解決爲主當由旅長與張士秀去信請以大局爲前提極力和解爲望彼竟置之不理擅委局長杜連瑞勒索餉械解散護局工程各隊分配各營又派人請旅長至伊署暫避數日甫出門彼卽派兵圍局並將局內款項帳目及密碼電本等件搜去此時將電報郵政各局均已派人把守四門緊閉全城戒嚴旅長見其種種舉動心不可測遂赴馬一團一營營長公廨暫避當聞將南局長用刑審訊並聲言與南局長起訟已密電中央云云

革心報專電

張士秀李鳴鳳擬將該處隊伍添成一師正在着手現已將全旅及九團之空額九百餘名補足

(太原)

革心報要聞

河東商民主持公道

河東張士秀李鳴鳳自將南局長佩蘭誣陷捕獲後知南爲大總統任命職官如中央派員查辦時證據毫無雖負固一隅恐難操對待必勝之權遂設種種伎倆一面爲南假造

煽惑軍心若干信件又一面將籌餉局之帳簿任意改註如收入項下加以某日由觀察使署撥來欸銀若干於支出項下則加以某日南局長或王副長用欸若干故將南局長之生命誣讎以滅其口使無從質證誠欲加以侵吞公欸之名以解其誣捕不法之罪無如心雖險詐公理難掩頃聞有河東商民五千餘人呈遞張李力辯南局長被誣情形可見公道自在人心二賊縱極強暴亦不能防民之口也

十八號

平報要聞

張李又欲傾陷黃司長

山西軍政司長黃少齋君心精力果諳練軍事前以標統起義卓著戰功共和後歷任軍事要職深資得力前閩都督電請中央叙功授少將遂署今職自任事以來籌畫解散兵隊及節省財政爲晉省人士所嘉許旋因孔旅長繁霽南赴河東接管軍隊恐各營長以旅長更易橫生意見貽誤晉局致函營長郝謝劉梁諸人內有孔旅長到河東時一切進行全仗諸君同心贊助協力維持等語且各該營長多半係黃君舊部故忠告善道以盡

軍政司之職務乃張士秀李鳴鳳誣害南佩蘭局長苦無確據遂藉口黃司長與南局長彼此通函捏造蜚語呈請大總統國務院陸軍部懲辦黃司長以冀遂其陷害之心頃聞中央以事涉誣罔置之不理云噫張李何人誣害南局長逼走孔旅長竊據河東尙虞不足乃復欲傾陷黃司長其真有甯令我負天下人之雄心耶無乃大狼毒矣

國民公報要聞

誣罔黃司長之無效

山西軍政司長黃少齋君得力過人諳練軍事去歲以標統起義卓著戰功共和成立後歷任軍事要職深資得力前閩都督電請中央叙功授少將遂署今職自任事以來籌畫解散軍隊及節省財政爲晉省人士所嘉許旋因孔旅長繁爵赴河東接管軍隊恐各營長以旅長更易橫生意見貽誤晉局遂致函營長郝謝劉梁諸人內有孔旅長到河東時一切進行全仗諸君同心贊助協力維持等語且各該營長多半係黃君舊部故忠告善道以盡職務乃張士秀李鳴鳳誣害南佩蘭局長苦無確據遂藉口黃司長與南局長彼此通函捏造蜚語呈請大總統國務院陸軍部懲辦黃司長以冀陷害正人而遂其私頃

聞中央以事涉誣罔亦置之不理云

新中國報要聞

晉省請兵之警聞

山西河東觀察使張士秀及第一旅旅長李鳴鳳不服都督節制倡言獨立情形迭誌報端日前政府已派趙倜前往查辦迺頃聞晉督閻錫山又有急電到京謂李等昌言無忌不遵命令現據探報李等已決計率兵北來查省城兵單餉缺恐難出發抵禦請卽由省撥步兵一團礮兵一營來晉聽候調遣云詳情如何容再續報

大一統報時評

(直道)

法美之改革也流血數十年始克抵於共和吾國經度之戰爭即共和告成初不可謂非幸事

孰料山西今忽發生內訌據各報喧傳河東觀察使張士秀結合死黨李鳴鳳等居然擁兵獨立大有割據一隅之勢

似此同室操戈其起釁之由雖不知誰曲誰直要之破壞共和甘爲民國之罪魁禍首實

不能爲張李諸人諱也倘勿卽時猛省中央之剿辦諸將隨其後矣

國維報要聞

李鳴鳳竟不顧命令

閩督電稱李鳴鳳等不顧命令率兵北來要索餉項勢將暴動省垣兵力單弱人有戒心請撥步兵一團炮兵一營歸其節制調遣如李等甘犯不韙則惟有遵中央前次電示作土匪勦辦施以兵威云

民隱報時評一

南佩蘭之南下也一般人士咸爲南君危曰張李把持河東軍財兩政已見端矣南君去而統一之事爲張李所忌必有意外危險吾甚恐或曰南君中央任命也張李雖專橫亦未敢公然違反總統命令夫何恐或曰張李竊據河東擾害一方爲民公敵衆皆切齒使對南君有不法之行動有不羣起而攻之乎又何恐或曰南君此去爲河東謀幸福張李驕橫嶺南多賢當能維持而保護之又何恐或曰南君以革命首功純白無他天下共信使果意圖陷害何足以服人心張李當不至一味專橫也又何恐今則張李竟私捕南君

矣竟反抗總統命令矣種種不法竟出於意料之外矣惟南君之志行上自總統閣員議員黨員下至全晉之士夫無不知南君之冤而以土匪待張李也此仍未出一般人士所料耳夫何恐

時評二

(嚴)

谷芙蓉之辭民政長也大總統一再特電挽回而堅不留職勇於退也

張衡玉之授民政長也大總統一再特電敦促而堅不接事不輕於進也

當斯世爭權奪利之時得二公之高尙吾始知世俗果不足以污君子也

當吾晉張李二賊把持權位戕害南君破壞大局之際得二公之清潔吾益知張李無法律之行爲而罪果不容誅也

乃猶有不惜千金之資入京運動始垂涎財政司復覬覦民政長一視權利爲生活之命脈是又小人之尤者

使其得志則將以張李之擾害河東者擾害大局何吾晉爭權奪利者之多耶如谷張二公者覓乎其不可及矣

國權報要聞

晉督請兵之警耗

山西河東觀察使張士秀及第一旅旅長李鳴鳳不服都督節制倡言獨立情形迭誌報端日前政府已派趙倜前往查辦迺昨日晉督閻錫山又有急電到京謂李等倡言無忌不遵命令現據探報李等已決計率兵北來查省城兵單餉缺恐難分撥抵禦請卽由隣省撥步兵一團礮兵一營來晉聽候調遣云

革心報要件

山西第一師步兵第一旅旅長孔繁燾謹將河東情形開具節略敬呈

大總統鈞鑒

計開

(續昨)

一查張士秀告示云南孔二賊均被拏住商民勿驚等語查聞若輩派兵四出搜捕旅長旅長急於二十九日微服乘隙出城在附近民村暫住二日一面派人進城報告都督一面懇請土民探聽彼等情形據云彼等之派兵駐守黃河各口又調查第九團團長

景蔚文守韓信嶺等處並聯絡陝西陳旅長以爲抵抗之計初一日旅長始由運徒行初四日抵河南府初八日來京旅長本中央任命人員遇此危機大局攸關不得不隻身赴都據實呈報伏請

鑒核施行不勝迫切待命之至謹呈

革心報專電

自河東第九團移住平陽後居民異常惶恐紛紛逃避河東更甚近日商人由該兩處逃來者頗多閩都督已派該處紳士急往安慰一切

(太原)

革心報要聞

誣罔黃司長之無效

山西軍政司長黃少齋君心精力果諳練軍事前歲以標統起義卓著戰功去春共和後歷任軍事要職深資得力前閩都督電請中央叙功授少將遂署今職自任事以來籌畫解散兵隊及節省財政深爲晉省人士所嘉許旋因孔旅長繁爵南赴河東接管軍隊恐各營長以旅長更易橫生意見貽誤晉局遂致函營長郝謝劉梁諸人內有孔旅長到河

東時一切進行全仗諸君同心贊助協力維持等語且各營長多半係黃君舊部故忠告善道以盡軍政司之職務乃張士秀李鳴鳳誣害南佩蘭局長苦無確據遂藉口黃司長與南局長彼此通函捏造蜚語請大總統國務院陸軍部懲辦黃司長以冀陷害止人而遂其私頃聞中央以事涉誣罔亦置之不理云

平報要聞

晉督請兵

山西張士秀李鳴鳳不受都督節制倡言獨立各情形已屢紀前報政府曾派趙倜前往查辦迺聞昨日閻都督又有急電到京謂張李倡言無忌不遵命令現據探報李等決計率兵北來查省城兵單餉缺不敷分布請由隣省撥步兵一營礮兵一營來晉聽候調遣云云

補中央新聞報七號國內新聞

大總統飭令解送南君之原因

山西自前歲獨立以來河東一隅其與太原於軍政財政一切終有貌合神離之現象閻

百川都督欲統一之而無其方特設河東籌餉局而以南君林榘爲同盟會之老同志太原之役其功尤鉅爰請袁大總統爲該局局長而冀有以統一其軍政財政也孰知山西素有南北地方之見迄於去秋因民政長爲用北人而河東人士尤爲憤憤前日忽謂南君運動軍士令自殘殺而拘禁之袁大總統恐其地方之見因此益深聞昨日已特令第一旅旅長李鳴鳳河東觀察使張士秀將南君解送太原嚴詢有無不法之實據云

十九號

平報時評

西藏之叛番內迫川邊危矣而庫倫活佛復有添招軍隊之舉此其意果何爲耶
庫與藏皆民國土地也今乃擅揚獨立之徽且居然有內犯之舉吾國之威殆已替矣甯非國民之恥

乃不謂吾國國民祇作權利之競爭貴州之席田難猶未已而山西之河東復有獨立之舉動此等現象夫豈吾國之福願我國民化除意見協力一心勿使外人笑我拙也

公意日報時評

(斥非)

自俄庫協約出而吾國之危機已迫於眉睫乃不謂近復有英藏協約之披露
自日俄協約成而外交之險象已日益棘手乃不謂近又有英俄協約之出現

民國締造伊始外患逼人竟至若是全國國民其亟宜協力一心賦同仇以思敵愾也凡
有血氣所當公認矣何物張李乃不此之圖竟捕南逐孔進兵韓信嶺杖斃劉文波圖抗
中央之命令以竊據於河東耶

豈以外患猶未足亡國必欲益之以內變促民國於速亡歟河東不乏遠見之士曷無起
而勸止之者

公意日報東鱗西爪

張李非竊據而何

南佩蘭統一軍財兩政大總統所命令也張李乃欲設計誣陷之非竊據而何
孔繁燾充第一旅旅長大總統所委任也張李乃欲緝獲拘禁之非竊據而何
張李迫索秘密函件於劉文波不得而竟斃之杖下非竊據而何
張李進駐一營軍隊於韓信嶺不得而竟盤踞隘口非竊據而何

都督派員提案查辦乃硬行抗拒不交張李非竊據而何
提出要求條件三款與宣佈獨立無異張李非竊據而何

公意日報要聞

張李負固不服

日前大總統以張李拘禁南佩蘭違法已極飭令提解到省辦理都督當卽派遣楊君彭齡李君敏前往提案查辦乃到河東之後張李抗不遵令並監制電局使楊李二君不得電達都督都督以楊李二君去河東已久寂無音耗曾屢電河東詰之卒不見覆近始接得一信謂提案之事張李力拒不允楊君亦將不日回省云

大一統報要聞

晉督請兵之警電

山西河東觀察使張士秀及第一旅旅長李鳴鳳等不服都督節制倡言獨立種種情形已誌各報日前政府特派趙倜前往查辦頃聞晉都督閻錫山於昨日又有急電致政府謂李等倡言無忌不遵命令現據偵探報告張李等已決計率兵北來查省城兵單力薄

恐難抵禦請卽由隣省撥派步兵一團砲兵一營來晉以便調遣詳情如何容訪明續誌

燕京時報要聞

河東軍事之解決難

山西河東軍隊不服晉督閻錫山箝制一事現愈形激烈昨河東觀察使張士秀又有電致政府謂南案閻督亦在被告之列萬難提省審訊請速由中央派大員來運辦理或飭隣省都督赴運提審以彰公道云

革心報時評

公孫長子視此

閱報載長子來稿凡所以誣讒本報者甚至桀犬之吠木可置之不答顧念君子愛人以德不欲令長子常此味味不能自知其非聊貢數語以告長子

河東之事是非曲直輿論自有定評政府自有辦法本報姑不贅言但要件係外間來稿有聞必錄報館天職長子向亦從事報業豈有不知之理何得妄謂登此實錄便是機關從前長子上大總統書本報亦曾代登要件以此例彼本報宜係長子機關矣且以本報

所知孔君繁壽上大總統節略於長子亦多指摘長子何不向孔君質問總統辨白而徒作申申之詈厚誣本報何耶其有以語我來

語有之避謗不如自修使長子徒爲飾非之計而不思改過之方則公道自在人心長子之術雖工長子之辭雖辯恐不足以塞天下之口也豈獨本報也哉

民隱報時評一

(瘋僧)

自河東擅擊南局長後大總統洞悉張李之奸急令閩都督委員查辦而楊君鏡甫等相繼南下至今毫無影響電詢亦置不答

豈楊君等亦步南局長之後塵耶將嚴密監守不令其發一言拍一電耶抑電局派人看守教俄人在庫倫之故事凡由省拍去之電均經張李二賊扣留而不使楊君等一腐目耶

道路傳聞河東已宣佈獨立都督所派人員及命令已不生效力抑知都督委員查辦提訊者係奉大總統命令對於都督命令卽不生效力對於總統所委之命令亦不生效力耶二賊竟如此直違抗中央命令耳則人人得而誅之矣

民隱報時評二

(巖)

某報載民賊李鳴鳳自逮捕南君後即擅派重兵駐守韓信嶺以其未奉都督師長之令罪其爲不法之行動記者以爲李賊苟有少許軍事智識斷不敢出此或係傳聞之誤今則警道派委臨汾警長路出韓信嶺竟爲河東軍隊所阻而返矣

夫陸軍爲中央統一機關李軍駐紮河東直接奉都督之令間接奉總統之命也今無故擅移反抗命令按之軍法罪在不赫者也

夫李賊佔據河東其立意不遣散軍隊以便己之侵蝕餉項種種不法非自今始特以都督之包容大總統雖欲過問而不能耳今則私捕命官擅移軍隊惡迹暴著必不可掩而總統始派人查辦以治其當得之罪多行不義必自斃吾爲李賊贈之

民隱報代論

關於河東抗命之感言

(壽眉)

天心喜亂人道幾窮共和新建創夷滿目國恥未雪外患迭乘噫嘻吁民國之前途晉省內山外河邇於中央毗連秦豫接壤內蒙而萑苻時逞財源支匱一旦變起牽動堪虞噫

嘻吁山西之前途當此之事際此之勢挾羣策集羣力雷厲風行以圖治安猶恐不及乃權利撓之意見乘之使南北形勝俄焉分裂仁人志士黯然傷心棄大局而不顧置內治於不聞誠可怪也夫山西人士之意見派分南北晚清之際已宣洩而不可遏爾時民黨秘密運動感情頗爲融洽所以殷殷調劑而不至潰裂不可收拾者未始非我同盟志士公而忘私之用心有以使之然也革命告終建設初進閩都督百川監於南北意見之不可長也思有以陰弭而潛消之對於用人行政一切持調和主義而財政教育司法諸凡重要機關悉任南派主持其他有功民國材堪任用者類皆授以要職即軍政一司當改組伊始經大總統任命溫君壽泉部署閩都督與黃君少齋尤極力推載嗣因溫君再四推諉始改委今司長黃邇者民政長一席亦已委任張君瑞璣矣諸如此類其所以化除意見謀統一而期共進者可謂至矣不然如今三晉雖乏材奈何以一隅人士分掌全省之權要乎卽以河東而論當共和宣布之初一切軍政民政之措置尤力主和平不事干涉洎引案發生惡感交至三晉人士嘖有煩言閩都督猶自隱忍不發以觀後效而執意因循養患尾大增不掉之虞狡焉思逞夜郎生自大之念黎公之手段復行張方之慘劇

再見張三李四是區區者而竟以煽惑軍心謀二次革命之蜚言謬語以誣陷南君佩蘭而牽運軍政司司長黃君少齋也夫黃君之軍事學問經歷殊多而且幹練精深材堪任重去歲以標統率所部隨同起義所向有功現任軍政司長尤爲成績卓著其關於一切編制取締事項類皆出以和平辦法無省界黨界之容心於其間彼之欲謀二次革命意果何爲者藉曰有之現居軍政要地一搖足而省垣立見變動何至以鞭長莫及之河東而遙授手無寸兵之南君以意旨以圖舉事也識者自明無須多辯至若南君則民軍鉅子素具熱腸去歲起義往來奔馳厥功甚著民國成立身任警政補助殊多彼之欲謀二次革命初意云何也今夏奉委籌餉南下實由於大總統命令閻都督委任名正言順人所共知抵運數月始以發餉事權屬之則是張李二賊之悍然不顧視大總統與閻都督之命令等諸弁髦已可概見試問河東餉糈宜否接濟省垣河東軍隊宜否檢閱裁汰山西一切內治事宜宜否統一不待智者而後知也

二十號

民視報要電

太原閻都督來電（十二月三十一號）

大總統鈞鑒准國務院艷電奉大總統令據張士秀李鳴鳳等電稱河東籌餉局局長南桂馨煽惑軍隊已看管侯審飭即查明辦理等因查晉省自光復以來軍隊林立錫山回省後即將中北兩路軍隊陸續實行裁汰惟河東一隅爲張觀察使士秀李旅長鳴鳳二人所割據把持財政抗拒編裁無從著手錫山迭次派人往辦大都視爲畏途惟刻署巡警道南桂馨賦性勇敢任事實心情願担任其事當由錫山會同前民政長周渤派令前往設立籌餉局冀會辦河東軍政就近與商編制事宜業經電陳在案迄今到差數月軍隊雖亦裁汰兩營而辦理甚形棘手迭經該局長電請辭差錫山均勗以大義飭令勉任其難一面派員密往軍中查察實情凡團營各長類皆樂於就範把持挾制者仍係張士秀李鳴鳳兩人迭接南桂馨密電據稱河東團營各長僉謂裁編軍隊非從根本上解決不可欲從根本上解決非撤換旅長不可錫山審時度勢不得已電請改任孔繁爵爲旅長前往接辦并先後將張士秀李鳴鳳等優加保獎無非委曲成全冀收和平解決之效此等苦衷諒在洞鑒之中不料該旅長等居心叵測竟將南桂馨擅行看管誣以煽惑軍

心破壞大局等情捏詞電陳鈞座錫山昨接該旅長等來電尙擬曲予優容飭將南桂馨解送來省交由執法處秉公訊斷以釋羣疑並令由孔繁爵護解來省暫時不必多事不意該旅長視爲退讓再接再厲竟謂孔繁尉不知現在何處無從交卸定於下月初三日整率全旅來省交代尤堪駭異查河東係屬腹地原不必多駐重兵該且旅長所部各營大半徒手統計砲兵一營共有三生七的小砲四尊械缺兵弱徒糜餉項此次裁汰改編實係爲整飭軍旅節省餉需起見迭經參議員等公同議決呈請執行錫山毫無成見不圖該旅長保護個人權利不顧大局若此之甚也河東係晉省財賦之區鹽課地丁爲國庫入款大宗前奉大總統電令全省錢糧悉數解省兵餉由省領發通省各縣無不恪遵惟河東一隅不但鹽課絲毫未解即蒲解兩屬地丁亦不遵令擅自扣留似此擁兵自衛罔利營私尤敢抵抗命令帶兵北來用意所在路人皆知省垣軍隊聞此信息異常憤懣錫山爲顧全大局姑息含容應請特派威望素著之大員前往河東督飭裁併軍隊並請電飭該旅長將南桂馨交出由該大員審訊以判曲直而保治安敬乞核示祇遵再董崇仁明日赴京一切詳情由該員面呈山西都督閻錫山叩刪印

亞細亞日報要聞

晉省河東之小醜跳梁

晉省河東一帶，有張士秀與李鳴鳳，踞其間，既誣陷南桂馨，肆行拘拷，復擁兵自衛，違抗命令。茲據太原閻都督及忻代甯保十三州縣續選投票人全體之東電，幾非以兵力解決之不可。特將各電紀之如下：

太原閻都督之兩次來電：去臘底電致大總統云：准國務院艷電奉大總統云：據張士秀、李鳴鳳等電稱，河東籌餉局局長南桂馨煽惑軍隊，已看管候審，飭即查明辦理等因。查晉省自光復以來，軍隊林立，錫山回省後，即將中北兩路軍隊陸續實行裁汰。惟河東一隅，爲張觀察使士秀、李旅長鳴鳳二人所割據，把持財政，抗拒編裁，無從著手。錫山迭次派人往辦，大都視爲畏途，惟刻署巡警道南桂馨賦性勇敢，任事實，心願擔任其事。當由錫山會同前民政長周渤，派令前往設立籌餉局，兼會辦河東軍政，就近與商編制事宜。業經電陳在案。迄今到差數月，軍隊雖亦裁汰兩營，而辦理甚形棘手。迭據該局長電請辭差，錫山均勗以大義，勉任其難。一面派員密往軍中查察實情，凡團營各長類皆

樂於就範把持挾制者仍係張士秀李鳴鳳兩人迭接南桂馨密電據稱河東團營各長僉謂裁編軍隊非從根本上解決不可欲從根本上解決非撤換旅長不可錫山審時度勢不得已電請改任孔繁燾爲旅長前往接辦並先後將張士秀李鳴鳳等優加保獎無非委曲成全冀收和平解決之效此等苦衷諒在洞鑒之中不料該旅長等居心叵測竟將南桂馨擅行看管誣以煽惑軍心破壞大局等情捏詞電陳鈞座錫山昨接該旅長等來電尙擬曲予優容飭將南桂馨解送來省交由執法處秉公訊斷以釋羣疑並令孔繁燾護解來省暫時不必多事不意該旅長視爲退讓再接再厲竟謂孔繁燾不知現在何處無從交卸定於下月初三日整率全旅來省交代尤堪駭異查河東係屬腹地原不必多駐重兵且該旅長所部各營大半徒手統計砲兵一營共有三生七的小砲四尊械缺兵弱徒糜餉項此次裁汰改編實係爲整飭軍旅節省餉需起見迭經參議員等公同議決呈請執行錫山毫無成見不圖該旅長保護個人權利不顧大局若此之甚也河東係晉省財賦之區鹽課地丁爲國庫入款大宗前奉大總統電令全省錢糧悉數解省兵餉由省領發通省各縣無不恪遵惟河東一隅不但鹽課絲毫未解卽蒲解兩屬地丁亦

不遵令擅自扣留似此擁兵自衛罔利營私尤敢抵抗命令帶兵北來用意所在路人皆知省垣軍隊聞此信息異常憤懣錫山爲顧全大局姑息含容應請特派威望素著之大員前往河東督飭裁併軍隊並請電飭該旅長將南桂馨交出由該大員審訊以判曲直而保治安敬乞核示祇遵再董崇仁明日赴京一切之詳情由該員面呈山西都督閻錫山印

前日又有電致大總統國務院參謀部陸軍部云南局長桂馨被拘一案遵令派員李敏楊彭齡赴運守提前經電陳在案約計該員應於初九日到連乃四次電催該觀察使等迅速遵令交人解省迄無隻字回復其違抗命令居民叵測已可概見現據平陽第七團團長張煌呈稱河東派第九團兵隊北來被伊攔阻現駐太平縣屬之史村曲沃縣屬之侯馬鎮等處實屬胆大妄爲日無法紀並據探報南桂馨被拘後非刑吊拷身無完膚恐難保命等語其違法橫暴情形尤堪髮指錫山以際此邊患方殷之際力持和平解決之心乃該觀察使旅長等種種違抗不法行爲實與土匪無異若在延長時期不以武力解決非但南桂馨性命堪虞即晉省大局將不堪設想查太原所駐軍隊前經奉令陸續開

赴薩包一帶現在城兵力單薄不敷分布擬請飭撥步兵一團砲兵一營來晉暫歸錫山節制調遣再由錫山調派步兵一團騎兵一營前往痛加勦辦並懇令飭駐紮河南軍隊於沿河一帶酌量情形防守助勦以免竄擾臨電屏營無任迫切待命之至山西都督閻錫山叩

忻州續選投票人全體之呼籲 日昨晉省忻代寧保十三州縣之續選投票人全體有電致大總統國務院陸軍部參謀部云自共和告成全晉力求統一民政財政日見恢復新舊軍隊由都督逐次遣散約有十之六七惟河東一隅意圖割據始終自爲範圍兵隊則假口土匪一兵未汰地丁則藉口兵餉到處扣留鹽款歲入二百餘萬則據爲私有擁巨款四出運動特副議長與司法司在省之聯絡劉盩訓景耀月在京報之造言欲推翻都督民政長而悉充以河東人在京省之河東人謀之在河東之河東人行之今次之擅捕籌餉局長南桂馨蓋憑恃在京在省有人冀中央之可以謠言欺而省垣無能如之何也竊思民國能否存在首在統一河東如此若他處效尤必至四分五裂破壞全國中央命令此後尙能有效乎效尹等非以南桂馨爲北路人有所徧徇特爲全晉計耳抑懇大

總統援據約法問其破壞共和之罪以靖逆謀而福民國大局幸甚效尹等草茅下士罔知忌諱臨電不勝惶悚之至云云

北京時報地方通訊

誣罔黃司長之無效

山西軍政司長黃少齋君心精力果諳練軍事去歲以標流起義卓著戰功去歲共和後歷任軍事要職深資得力前閩都督電請中央叙功授少將遂署今職自任事以來籌畫解散兵隊及節省財政爲晉省人士所嘉許旋因孔旅長繁霽南赴河東接管軍隊恐各營長以旅長更易橫生意見貽誤晉局遂致函營長郝謝劉梁諸人內有孔旅長到河東時一切進行全仗諸君同心贊助協力維持等語且各該營長多半係黃君舊部故忠告善道以盡軍政司之職務乃張士秀李鳴鳳誣害南佩蘭局長苦無確據遂藉口黃司長與南局長彼此通函捏造蜚語呈請大總統國務院陸軍部懲辦黃司長以冀陷害止人而遂其私頃聞中央以事涉誣罔亦置之不理云

新中國報要聞

忻州投票人公憤之來電

晉省河東擅捕局長南桂馨事忻州全體之續選投票人大動公憤昨特通電中央請援據約法辦理其原電如左

大總統國務院陸軍部參謀部鈞鑒自共利告成全晉力求統一民政財政日見恢復新舊軍隊由都督逐次遣散約有十之六七惟河東一隅意圖割據始終自爲範圍兵隊則假口土匪一兵未汰地丁則藉口兵餉到處扣留鹽款歲入二百餘萬則據爲私有擁巨款四出運動特副議長與司法司在省之聯絡劉盪訓景耀月在京報之造言欲推翻都督民政長而悉充以河東人在京省之河東人謀之在河東之河東人行之此次之擅捕籌餉局長南桂馨蓋憑恃在京在省有人冀中央之可以謠言欺而省垣無能如之何也竊思民國能否存在首在統一河東如此若他處效尤必至四分五裂破壞全國中央命令此後尙能有效乎效尹等非以南桂馨爲北路人有所徧徇特爲全晉計耳仰懇大總統援據約法問其破壞共和之罪以靖逆謀而福民國大局幸甚效尹等草茅下士固知忌諱臨電不勝惶悚之至忻代甯保十三州縣續選投票人全體同叩

新中國報公電

太原閻都督來電 大總統國務院參謀部陸軍部鈞鑒南局長桂馨被拘一案遵令派員李敏楊彭齡赴運守提前經電陳在案約計該員應於初九日到運乃四次電催該觀察使等迅速遵令交人解省迄無隻字回復其違抗命令居心叵測已可概見現據平陽第七團團長張煌呈稱河東派第九團兵隊北來被伊攔阻現駐太平縣屬之史村曲沃縣屬之侯馬鎮等處實屬胆大妄爲目無法紀並據探報南桂馨被拘後非刑吊拷身無完膚恐難保命等語其違法橫暴情形尤堪髮指錫山以際此邊患方殷之際力持和平解決之心乃該觀察使旅長等種種違抗不法行爲實與土匪無異若再延長時期不以武力解決非但南桂馨性命堪虞卽晉省大局將不堪設想查太原所駐軍隊前經奉令陸續開赴薩包一帶現在省城兵力單薄不敷分布擬請飭撥步兵一團礮兵一營來晉暫歸錫山節制調遣再由錫山調派步兵一團騎兵一營前往痛加剿辦並懇令飭駐紮河南軍隊於沿河一帶酌量情形防守剿助以免竄擾臨電屏營無任迫切待命之至山西都督閻錫山叩刪印

中國公報要聞

張李二賊豈能倖免耶

山西河東張士秀李鳴鳳倡言獨立破壞統一擅害南局長佩蘭率兵攻省各情已歷誌本報頃袁大總統對於河東一事業已派兵赴晉聲討其罪並附某軍統以特別命令三條到河東時卽行辦理(一)速將南局長佩蘭釋放回省(二)將河東軍隊悉數遣散以節糜費(三)張士秀李鳴鳳罪大惡極務必懲治首要處以死刑其詳情俟訪明再登

附錄本月十六日太原閻都督來電

大總統國務院參謀部陸軍部鈞鑒南局長桂馨被拘一案遵令派員李敏楊彭齡赴運守提前經電陳在案約計該員應於初九日到運乃四次電催該觀察使等速迅遵令交人解省迄無隻字回復其違抗命令居心叵測已可概見現據平陽第七團團長張煌呈稱河東派第九團兵隊北來被伊攔阻現駐太平縣屬之史村曲沃縣屬之侯馬鎮等處實屬胆大妄爲目無法紀並據探報南桂馨被拘後非刑吊拷身無完膚恐難保命等語其違法橫暴情形尤堪髮指錫山以際此邊患方殷之際力持平和解決之心乃該觀察

使旅長等種種違抗不法行爲實與土匪無異若再延長時期不以武力解決非但南桂馨性命堪虞卽晉省大局將不堪設想查太原所駐軍隊前經奉令陸續開赴薩包一帶現在省城兵力單薄不敷分布擬請飭撥步兵一團礮兵一營來晉暫歸錫山節制調遣再由錫山調派步兵一團騎兵一營前往痛如勦辦並懇令飭駐紮河南軍隊於沿河一帶酌量情形防守助勦以免竄擾臨電屏營無任迫切待命之至山西都督閻錫山叩刪印

新紀元報公電摘要

太原閻都督來電

大總統鈞鑒准國務院艷電大總統令據張士秀李鳴鳳等電稱河東籌餉局局長南桂馨煽惑軍隊已看管候審飭卽查明辦理等因查晉省自光復以來軍隊林立錫山回省卽將中北兩路軍隊陸續實行裁汰惟河東一隅爲張觀察使士秀李旅長鳴鳳二人所割據把持財政抗拒編裁無從著手錫山迭次派人往辦大都視爲畏途惟刻署巡警道南桂馨賦性勇敢任事實心情願担任其事當由錫山會同前民政長周渤派令前往設

立籌餉局兼會辦河東軍政就近與商編制事宜業經電陳在案迄今到差數月軍隊雖亦裁汰兩營而辦理甚棘手迭據該局長電請辭差錫山均勛以大義飭令勉任其難一面派員密往軍中查察實情凡團營各長類皆樂于就範把持挾制者仍係張士秀李鳴鳳兩人迭接南桂馨密電據稱河東團營各長僉謂裁編軍隊非從根本上解決不可欲從根本上解決非撤換旅長不可錫山審時度勢不得已電請改任孔繁燾爲旅長前往接辦並先後將張士秀李鳴鳳等優加保獎無非委曲成全冀收和平解決之效此等苦衷諒在洞鑒之中不料該旅長等居心巨測竟將南桂馨擅行看管誣以煽惑軍心破壞大局等情捏詞電陳鈞座錫山昨接該旅長等來電尙擬曲予優容飭將南桂馨解送來省交由執法處秉公訊斷以釋羣疑並令由孔繁燾護解來省暫時不必多事不意該旅長視爲退讓再接再厲竟謂孔繁燾不知現在何處無從交卸定於下月初三日整率全旅來省交代尤堪駭異查河東係屬腹地原不必多駐重兵且該旅長所部各營大半徒手統計砲兵一營共有三生七的小砲四尊械缺兵弱徒糜餉項此次裁汰改編實係爲整飭軍旅節省餉需起見迭經參議員等公同議決呈請執行錫山毫無成見不圖該旅

長保護個人權利不顧大局若此之甚也河東係晉省財賦之區鹽課地丁爲國庫入款大宗前奉大總統電令全省錢糧悉數解省兵餉由省領發通省各縣無不恪遵惟河東一隅不但鹽課絲毫未解即蒲解兩屬地丁亦不遵令擅自扣留似此擁兵自衛罔利營私尤敢抵抗命令帶兵北來用意所在路人皆知省垣軍隊聞此信息異常憤懣錫山爲顧全大局姑息含容應請特派威望素著之大員前往河東督飭裁併軍隊並請電飭該旅長將南桂馨交出由該大員審訊以判曲直而保治安敬乞核示祇遵再董崇仁明日赴京一切詳情由該員面呈山西都督閻錫山叩卅印

又一月十六日

大總統國務院參謀部陸軍部鈞鑒南局長桂馨披拘一案遵令派員李敏楊彭齡赴運守提前經電陳在案約計該員應於初九日到運乃四次電催該觀察使等迅速令交人解省迄無隻字回復其違抗命令居心巨測已可概見現據平陽第七團團長張煌呈稱河東派第九團兵隊北來被伊攔阻現駐太平縣屬之史村曲沃縣屬之候馬鎮等處實屬胆大妄爲目無法紀並據探報南桂馨被拘後非刑吊拷身無完膚恐難保命等語其

違逆橫暴情形尤堪髮指錫山以際此邊患方殷之際力持和平解決之心乃該觀察使旅長等種種違抗不法行爲實與土匪無異若再延長時期不以武力解決非但南桂馨性命堪虞即晉省大局將不堪設想查太原所駐軍隊前經奉令陸續開赴薩包一帶現在省城兵力單薄不敷分布擬請飭撥步兵一團砲兵一營來晉暫歸錫山節制調遣再由錫山調派步兵一團騎兵一營前往痛加剿辦並懇令飭駐紫河南軍隊於沿河一帶酌量情形防守助剿以免竄擾臨電屏營無任迫切待命之至山西都督閻錫山叩刪印忻州續選投票人全體來電一月十八日

大總統國務院陸軍部參謀部鈞鑒自共和告成全晉力求統一民政財政日見恢復新舊軍隊由都督逐次遣散約有十之六七惟河東一隅意圖割據始終自爲範圍兵隊則假口土匪一兵未汰地丁則藉口兵餉到處扣留鹽欸歲入二百餘萬則據爲私有擁巨欸四出運動恃副議長與司法司在省之聯絡劉盩訓景耀月在京報之造言欲推翻都督民政長而悉充以河東人在京省之河東人謀之在河東之河東人行之今次之擯捕籌餉局長南桂馨蓋憑恃在京在省有人冀中央之可以謠言欺而省垣無能如何也竊

思民國能否存在首在統一河東如此若他處效尤必至四分五裂破壞全國中央命令此後尙能有效乎效尹等非以南桂馨爲北路人有所偏徇特爲全晉計耳仰懇

大總統援據約法問其破壞共和之罪以靖逆謀而福民國大局幸甚效尹等草茅下士罔知忌諱臨電不勝惶悚之至併代甯保十三州縣續選投票人全體全叩

大一統報要聞

河東軍事之解決難

山西河東軍隊不服晉督閻錫山節制一事現愈形激烈昨日河東觀察使張士秀又有致政府謂南桂馨案閻督亦在被告之列萬難提省審訊請速由中央派公正人員來運辦理或由隣省都督赴運提審以彰公道云

大一統報命令

前據山西都督閻錫山電呈河東籌餉局局長南桂馨被河東觀察使張士秀旅長李鳴鳳拘禁拷打一案當經電令將南桂馨提省訊辦茲據該都督電稱派員守提並四次電催張士秀迄無隻字回復李鳴鳳復敢派兵圖犯省垣非用武力難期解決懇請派兵剿

辦等語晉省自改革以來秩序漸復惟河東一隅佔收糧賦終未解繳擁護軍隊不服編裁已屬形同割據南桂馨係閩錫山電明中央委任局員竟敢擅行拘禁橫加凌虐第一旅旅長已派孔繁燾接充尤敢抗弗交替現且有派兵赴省情事似此橫蠻抵抗逆跡昭彰實屬罪無可逭著參謀部陸軍部酌調軍隊前赴河東勒令交出南桂馨並將張士秀李鳴鳳嚴拿懲辦兵到之日河東軍隊如果服從命令應飭聽候編裁倘敢抗拒卽著嚴行剿辦並著河南陝西兩省都督各於毗連隘要一體扼防以杜竄擾此令

京津時報要聞

河東風潮之各方面觀

山西河東觀察使張士秀旅長李鳴鳳拘留籌餉局長南桂馨一事大總統陸參兩部去電數次迄無回答太原地方亦無確實消息遂有謂南已被害者昨據陸軍部接李鳴鳳來電略謂南現在該旅看管保護請中央派大員赴運審判並邀求中央委任鄰省都督接界統兵大員會審電文有五百餘字之多多詆毀閩都督之違法外間傳聞異詞末由探其真相茲得閩都督並忻州續選投票人先後之來電彙錄於左以供參考

(一) 閩都督十二月三十一日之來電 大總統鈞鑒准國務院艷電奉大總統令據張士秀李鳴鳳等電稱河東籌餉局長南桂馨煽惑軍隊已看管候審飭即查明辦理等因查晉省自光復以來軍隊林立錫山回省後即將中北兩路軍隊陸續實行裁汰惟河東一隅爲張觀察使士秀李旅長鳴鳳二人所割據把持財政抗拒編裁無從著手錫山迭次派人往辦大都視爲畏途惟刻署巡警道南桂馨賦性勇敢任事實心情頗擔任其事當由錫山會同前民政長周渤派令前往設立籌餉局兼會辦河東軍政就近與商編制事宜業經電陳在案迄今到差數月軍隊雖亦裁汰兩營而辦理甚形棘手迭據該局長電請辭差錫山均勗以大義飭令勉任其難一面派員密往軍中查察實情凡團營各長類皆樂於就範把持挾制者仍係張士秀李鳴鳳兩人迭接南桂馨密電據稱河東團營各長僉謂裁編軍隊非從根本上解決不可欲從根本上解決非撤換旅長不可錫山審時度勢不得已電請改任孔繁燾爲旅長前往接辦並先後將張士秀李鳴鳳等優加保獎無非委曲成全冀收和平解決之效此等苦衷諒在洞鑒之中不料該旅長等居心叵測竟將南桂馨擅行看管誣以煽惑軍心破壞大局等情捏詞電陳鈞座錫山昨接該

旅長等來電尙擬曲予優容飭將南桂馨解送來省交由執法處秉公訊斷以釋羣疑並令由孔繁燾護解來省暫時不必多事不意該旅長視爲退讓再接再厲竟謂孔繁燾不知現在何處無從交卸定於下月 初三日整率全旅來省交代尤堪駭異查河東係屬腹地原不必多駐重兵且該旅長所部各營大半徒手統計砲兵一營共有三生七的小砲四尊械缺兵弱徒糜餉項此次裁汰改編實係爲整飭軍旅節省餉需起見迭經參議院等公同議決呈請執行錫山毫無成見不圖該旅長保護個人權利不顧大局若此之甚也河東係晉省財賦之區鹽課地丁爲國庫入欸大宗前奉大總統電令全省錢糧悉數解省兵餉由省領發通省各縣無不恪遵惟河東一隅不但鹽課絲毫未解卽蒲解兩屬地丁亦不遵令擅自扣留似此擁兵自衛罔利營私尤敢抵抗命令帶兵北來用意所在路人皆知省垣軍隊聞此信息異常憤懣錫山爲顧全大局姑息含容應請特派威望素著之大員前往河東督飭裁併軍隊並請電飭該旅長將南桂馨交出由該大員審訊以判曲直而保治安敬乞核示祇遵再董崇仁明日赴京一切詳情由該員面呈山西都督

閻錫山叩卅印

京津時報命令

前據山西都督閻錫山電呈河東籌餉局局長南桂馨被河東觀察使張士秀旅長李鳴鳳拘禁拷打一案當經電令將南桂馨提省訊辦茲據該都督電稱派員守提並四次電催張士秀迄無隻字回復李鳴鳳復敢派兵圖犯省垣非用武力難期解決懇請派兵勦辦等語晉省自改革以來秩序漸復惟河東一隅佔收糧賦終未解繳擁護軍隊不服編裁已屬形同割據南桂馨係閻錫山電明中央委任局員竟敢擅行拘禁橫加凌虐第一旅旅長已派孔繁燾接充尤敢抗弗交替現且有派兵赴省情事似此橫蠻抵抗逆跡昭彰實屬罪無可逭著參謀部陸軍部酌調軍隊前赴河東勒令交出南桂馨並將張士秀李鳴鳳嚴拿懲辦兵到之日河東軍隊如果服從命令應飭聽候編裁倘敢抗拒即著嚴行勦辦並著河東陝西兩省都督各於毗連隘要一體扼防以杜竄擾此令

大總統印 國務總理趙秉鈞陸軍總長段祺瑞

中華民國二年一月十九日

北京日報命令

臨時大總統令 前據山西都督閻錫山電呈河東籌餉局長南桂馨被河東觀察使張士秀旅長李鳴鳳拘禁拷打一案當經電令將南桂馨提省訊辦茲據該都督電稱派員守提並四次電催張士秀迄無隻字回復李鳴鳳復敢派兵圍犯省垣非用武力難期解決懇請派兵勦辦等語晉省自改革以來秩序漸復惟河東一隅佔收糧賦終未解繳擁護軍隊不服編裁已屬形同割據南桂馨係閻錫山電明中央委任局員竟敢擅行拘禁橫加凌虐第一旅旅長已派孔繁燾接充尤敢抗弗交替現且有派兵赴省情事似此橫蠻抵抗逆跡昭彰實屬罪無可追著參謀部陸軍部酌調軍隊前赴河東勒令交出南桂馨並將李鳴鳳嚴拿懲辦兵到之日河東軍隊如果服從命令應飭聽候編裁倘敢抗拒卽著嚴行勦辦並著河南陝西兩省都督各於毗連隘要一體扼防以杜竄擾此令

北京日報公電錄要

太原閻都督來電

元年十二月三十一號

大總統鈞鑒 准國務院艷電奉大總統令據張士秀李鳴鳳等電稱河東籌餉局長南

桂馨煽惑軍隊已看管候審飭即查明辦理等因查晉省自光復以來軍隊林立錫山回省後即將中北兩路軍隊陸續實行裁汰惟河東一隅爲張觀察使士秀李旅長鳴鳳二人所割據把持財政抗拒編裁無從著手錫山迭次派人往辦大都視爲畏途惟刻署巡警道南桂馨賦性勇敢任事實心情願担任其事當由錫山會同前民政長周渤派令前往設立籌餉局兼會辦河東軍政就近與商編制事宜業經電陳在案迄今到差數月軍隊雖亦裁汰兩營而辦理甚形棘手迭據該局長電請辭差錫山均畧以大義勉任其難一面派員密往軍中查察實情凡團營各長類皆樂於就範把持挾制者仍係張士秀李鳴鳳兩人迭接南桂馨密電據稱河東團營各長僉謂裁編軍隊非從根本上解決不可欲從根本上解決非撤換旅長不可錫山審時度勢不得已電請改任孔繁爵爲旅長前往接辦並先後將張士秀李鳴鳳等優加保獎無非委曲成全冀收和平解決之效此等苦衷諒在洞鑒之中不料該旅長等居心叵測竟將南桂馨擅行看管誣以煽惑軍心破壞大局等情捏詞電陳鈞座錫山昨接該旅長等來電尙擬曲予優容飭將南桂馨解送來省交由執法處秉公訊斷以釋羣疑並令由孔繁爵護解來省暫時不必多事不意該

旅長視爲退讓再接再厲竟謂孔繁爵不知現在何處無從交卸定於下月初三日整率全旅來省交代尤堪駭異查河東係屬腹地原不必多駐重兵且該旅長所部各營大半徒手統計砲兵一營共有三生七的小砲四尊械缺兵弱徒糜餉項此次裁汰改編實係爲整飭軍旅節省餉需起見迭經參議員等公同議決呈請執行錫山毫無成見不圖該旅長保護個人權利不顧大局若此之甚也河東係晉省財賦之區鹽課地丁爲國庫入款大宗前奉大總統電令全省錢糧悉數解省兵餉由省領發通省各縣無不恪遵惟河東一隅不但鹽課絲毫未解卽蒲解兩屬地丁亦不遵令擅自扣留似此擁兵自衛罔利營私尤敢抵抗命令帶兵北來用意所在路人皆知省垣軍隊聞此信息異常憤懣錫山爲顧全大局姑息含容應請特派威望素著之大員前往河東督飭裁併軍隊並請雷飭該旅長將南桂馨交出由該大員審訊以判曲直而保治安敬乞核示祇遵再董崇仁明日赴京一切詳情由該員面呈山西都督閻錫山叩卅印

太原閻都督二次來電一月十六號

大總統國務院參謀部陸軍部鈞鑒南局長桂馨被拘一案遵令派員李敏楊彭齡赴運

守提前經電陳在案約計該員應於初九日到運乃四次電催該觀察使等速迅遵令交人解省迄無隻字回復其違抗命令居心叵測已可概見現據平陽第七團團長張煌呈稱河東派第九團兵隊北來被伊攔阻現駐太平縣屬之史村曲沃縣屬之侯馬鎮等處實屬胆大妄爲目無法紀並據探報南桂馨被拘後非刑吊拷身無完膚恐難保命等語其違法橫暴情形尤堪髮指錫山以際此邊患方殷之際力持平和解決之心乃該觀察使旅長等種種違抗不法行爲實與土匪無異若再延長時期不以武力解決非但南桂馨性命堪虞卽晉省大局將不堪設想查太原所駐軍隊前經奉令陸續開赴薩包一帶現在省城兵力單薄不敷分布擬請飭撥步兵一團礮兵一營來晉暫歸錫山節制調遣再由錫山調派步兵一團騎兵一營前往痛如勦辦並懇令飭駐紮河南軍隊於沿河一帶酌量情形防守助勦以免竄擾臨電屏營無任迫切待命之至山西都督閻錫山叩刪印

忻州續選投票人全體來電 一月十八日

大總統國務院陸軍部參謀部鑒鈞自共和告成全晉力求統一民政財政日見恢復新

舊軍隊由都督逐次遣散約有十之六七惟河東一隅意圖割據始終自爲範圍兵隊則假口土匪一兵未汰地丁則藉口兵餉到處扣留鹽款歲入二百餘萬則據爲私有擁巨欸四出運動特副議長與司法司在省之聯絡劉盪訓景耀月在京報之造言欲推翻都督民政長而悉充以河東人在京省之河東人謀之在河東之河東人行之今次之擯捕籌餉局長南桂馨蓋憑恃在京在省有人冀中央之可以謠言欺而省垣無能如之何也竊思民國能否存在首在統一河東如此若他處效尤必至四分五裂破壞全國中央命令此後尙能有效乎效尹等非以南桂馨爲北路人有所徧徇特爲全晉計耳仰懇大總統援據約法問其破壞共和之罪以靖逆謀而福民國大局幸甚效尹等草茅下士罔知忌諱臨電不勝惶悚之至忻代甯保十三州縣續選投票人全體同叩

國民公報要聞

晉省分裂之可憂

昨十八日忻州續選投票人全體來電云大總統國務院陸軍部參謀部鈞鑒自共和告成全晉力求統一民政財政日見恢復新舊軍隊由都督逐次遣散約有十之六七惟河

東一隅意圖割據始終自爲範圍兵隊則假口土匪一兵未汰地丁則藉口兵餉到處扣留鹽款歲入二百餘萬則據爲私有擁巨款四出運動特副議長與司法在省之聯絡劉監訓景耀月在京報之造言欲推翻都督民政長而悉充以河東人在京省之河東人謀之在河東之河東人行之今次之擅捕籌餉局長南桂馨蓋憑恃在京在省有人冀中央之可以謠言欺而省垣無能如之何也竊思民國能否存在首在統一河東如此若他處效尤必至四分五裂破壞全國中央命令此後尙能有效尹等非以南桂馨爲北路人所偏徇特爲全晉計耳仰懇大總統援據約法問其破壞共和之罪以靖逆謀而福民國大局幸甚效尹等草茅下士罔知忌諱臨電不勝惶悚之至忝代甯保十三州縣續選投票人全體同叩

閻都督陳明晉事之電文

其一 大總統鈞鑒准國務院艷電奉大總統令據張士秀李鳴鳳等電稱河東籌餉局局長南桂馨煽惑軍隊已看管候審飭卽查明辦理等因查晉省自光復以來軍隊林立錫山回省後卽將中北兩路軍隊陸續實行裁汰惟河東一隅爲張觀察使士秀李旅長

鳴鳳二人所割據把持財政抗拒編裁無從著手錫山迭次派人往辦大都視爲畏途惟刻署巡警道南桂馨賦性勇敢任事實心情願担任其事當由錫山會同前民政長周渤派令前往設立籌餉局兼會辦河東軍政就近與商編制事宜業經電陳在案迄今到差數月軍隊雖亦裁汰兩營而辦理甚形棘手迭據該局長電請辭差錫山均勗以大義飭令勉任其難一面派員密往軍中查察實情凡團營各長類皆樂於就範把持挾制者仍係張士秀李鳴鳳兩人迭接南桂馨密電據稱河東團營各長僉謂編裁軍隊非從根本上解決不可欲從根本上解決非撤換旅長不可錫山審時度勢不得已電請改任孔繁爵爲旅長前往接辦並先後將張士秀李鳴鳳等優加保獎無非委曲成全冀收和平解決之效此等苦衷諒在洞鑒之中不料該旅長等居心叵測竟將南桂馨擅行看管誣以煽惑軍心破壞大局等情捏詞電陳鈞座錫山昨接該旅長等來電尙擬曲於優容飭將南桂馨解送來省交由執法處秉公訊斷以釋羣疑并由孔繁爵護解來省暫時不必多事不意該旅長視爲退讓再接再厲竟謂孔繁爵不知現在何處無從交卸定於下月初三日整率全旅來省交代尤堪駭異查河東係屬腹地原不必多駐重兵且該旅長所部

各營大半徒手統計礮兵一營共有三生七的小砲四尊械缺兵弱徒糜餉項此次裁汰改編實係爲整飭軍旅節省餉需起見迭經參議員等公同議決呈請執行錫山毫無成見不圖該旅長保護個人權利不顧大局若此之甚也河東係晉省財賦之區鹽課地丁爲國庫入款大宗前奉大總統電令全省錢糧悉數解省兵餉由省領發通省各縣無不恪遵惟河東一隅不但鹽課絲毫未解卽蒲解兩屬地丁亦不遵令擅自扣留似此擁兵自衛罔利營私尤敢抵抗命令帶兵北來用意所在路人皆知省垣軍隊聞此信息異常憤懣錫山爲顧全大局姑息含容應請特派威望素著之大員前往河東督飭裁併軍隊並請電飭該旅長將南桂馨交出由該六員審訊以判曲直而保治安敬乞核示祇遵再董崇仁明日赴京一切詳情由該員面呈山西都督閻錫山叩三十印

其二 大總統國務院參謀部陸軍部鈞鑒南局長桂馨被拘一案遵令派員李敏楊彭齡赴運守提前經電陳在案約計該員應於初九日到運乃四次電催該觀察使等迅速遵令交人解省迄無隻字回復其違抗命令居心叵測已可概見現據平陽第七團團長張煌呈稱河東派第九團兵隊北來被伊攔阻現駐太平縣屬之史村曲沃縣屬之侯馬

鎮等處實屬胆大妄爲目無法紀並據探報南桂馨被拘後非刑吊拷身無完膚恐難保命等語其違法橫暴情形尤堪髮指錫山以際此邊患方殷之際力持和平解決之心乃該觀察使旅長等種種違抗不法行爲實與土匪無異若再延長時期不以武力解決非但南桂馨性命堪虞卽晉省大局將不堪設想查太原所駐軍隊前經奉令陸續開赴薩包一帶現在省城兵力單薄不敷分布擬請飭撥步兵一團礮兵一營來晉暫歸錫山節制調遣再由錫山調派步兵一團騎兵一營前往痛加剿辦並懇令飭駐紮河南軍隊於沿河一帶酌量情形防守剿助以免竄擾臨電屏營無任迫切待命之至山西都督閻錫山叩刪印

民隱報時評一

嶺南一帶數月不雨秋麥未收春麥未種居民惶恐不可終日憂時之士多怨天公不仁其實皆張李二賊助旱爲虐使無業貧民死於溝壑者不知凡幾也

當亢旱之際糧價暴漲苟具有民生觀念應爲之平糶以維持現象乃派人四出購買大宗軍糧至八千餘石之多糧根奇緊職此之故

夫一旅之師所需幾何其廣爲集聚者非圖謀不軌而誰欺哉

嗚乎張李二賊以把持個人權位作此至不仁之事致使貧民無以覓食弱者成餓殍強者爲盜賊河東居民之死於災死於匪者皆將索爾魂於冥冥之中今之敢於背叛將毋非天奪之魂而速其死也嗚乎晚矣

民隱報時評二

近讀孔君芸生報告書而知張李之所以陷害南君必欲置之死者無非爲因彼等把持鹽欸侵吞軍餉一旦被南君窺破真情恐於彼等不利此所以忌之者愈深而謀殺之者愈切也

孔君燕人對於我晉人士一秉大公無絲毫偏袒之心此奉命赴運其所調查必係按事直書毫無虛僞捧讀之餘張李奸謀昭然若揭矣

以張李之奸險狡詐而省垣某報猶不惜違背良心替人辯護此尙有絲毫是非之心耶敬告某報此後再勿嘵嘵徒爲有識者齒冷

民隱報代論

關於河東抗命之感言

(壽眉)

溯自閩都督還轅視事以來凡所關於起義時種種費用業經通過議會公布各地作正開銷則此後供賦自當源源接濟以期統一而忻代甯公團首先解散卽省垣軍隊亦經實行編制事實具在斑斑可考河東一隅甯獨自外藉謂春間亢旱土匪時起差可緩圖猶可說也爾後溫君北來地方謐然而河東一隅猶自未解一餉未裁一卒時南君已奉命南下爲張李者自應和平接洽確商豈是以固感情而敦要公方不負前此同人一番改革政體之志氣乃不意陽奉陰違伺隙中場誤南君於大逆不道而牽黃君以秘密發縱造假電作假信謂如何煽惑如何運動籠絡某人排斥某士可以達到目的此種秘謀卽云有是亦不過出於解散軍隊情急之所爲又何得牽入二次革命之運動也而况事屬裁殃情同捏誤吾不知張李二賊亦何其喪心病狂至於此極也不甯惟是南君之奉委與孔之調任命出中央果其罪有應得有軍法在何得一拘一逐擅作淫威此等行爲非特飛揚跋扈目無法紀是真欲以密謀二次革命之罪狀誤陷南黃二君而並誤閩都督與大總統也欲加之罪何患無辭是可忍也孰不可忍也前者娘關之役軍事吃緊個

中相傳謂南派中有秘謀搗亂軍政府之說非陞失挫姚賊潛蹤都督返垣振隊北發南派鉅子又謀焚掠省垣劫閩公而南下藉清野之策以實行其搗亂之計聞之者尤以爲言者挾私猜嫌過當南派人士類多革命偉人主持人道斷不出此不圖時不週歲大案發生張士秀輩藉機生心悍然出三大要求公然宣布蓄之既深發之特奇無怪人言嘖嘖久已慮南風之不競也夫張士秀等提出之條件明爲脫離河東與山西之關係確然無疑準之私委潞澤知事問題是欲自立行省也揆之前次引案問題是欲以河東改隸秦省也由是推之試使省北改隸蒙古上黨改隸豫垣中路改隸燕直致數千年歷史相傳之三晉徒然消滅此種無意識之條件不必訴之四萬萬同胞卽就近而質諸張士秀輩其將何說以辭而況民國新造黨派紛爭各省情形不無意見歧出設不幸而驕悍之輩肆意競勝藉張士秀等提出之條件以爲口實而不顧分崩離析內變潰發外患乘之張士秀李鳴鳳之罪尙堪以言語形容哉然則張李之誤陷南黃二君私怨也其有意破壞大局公敵也毋謂沉寃自有公証毋肆強悍自有軍法將來水落石出潮退舟行吾不知我中華民國神聖不可侵犯之法律將何以處此惡獠

公意日報要聞

張李竊據能幾時

(卓乙)

孔旅長前赴河東接管軍隊被張李派騎嚴緝孔君微服逃難各情已誌前報茲聞孔君逃難晉京後即謁見大總統陳述張李在河東跋扈情形並開具節略呈閱大總統以張士秀等希圖竊據破壞大局於民國前途關係匪輕閻督乃力主和平未免過事優容擬即派駐保第六旅旅長鮑君貴卿迅調得力軍隊一旅由河南開往河東聲討其罪以維持大局云

公意日報時評

南佩蘭爲河東籌餉局局長而張士秀等則思欲陷害之孔雲生爲河東第一旅旅長而張士秀等亦思欲陷害之是非河東人而充任要職於河東者無不遭張士秀等之銜忌即無不爲張士秀等所陷害也

然其陷害南也因其駐運日久則誣以煽惑軍心捏造種種証據以冀售其奸於或然之數而孔則甫抵河東卽被派兵嚴捕者不知張士秀等將又誣以何種罪名耶

且南孔二君縱使張士秀陷害之然河東既爲民國領土則河東之局長之旅長亦均爲國家官職而非張士秀等之私有物明矣黜陟進退權操中央張士秀等雖專橫其能必繼任者之一一爲河東人乎

頃聞孔君逃難晉京即謁見大總統詳述張士秀等竊據情形大總統擬即派兵聲討矣夫張士秀等行竊據之實即應獲竊據之罪國法所在非一二走狗所能掩其惡也特竊據者爲張士秀等而竟冒河東全體名義記者不禁爲河東人民惜之

上海時報社論

論李鳴鳳之罪決不可寬

(惜誦)

自民國建設以來各路統兵將帥其陰謀割據一隅以離中央而獨立者蓋不一其人矣然猶必假共和之名詞托分權之政策多方以自掩飾其對於中央之命令則或陽奉陰違或嗾使其部下羣起反對而已則居於無過之地從未有悍然予智自雄昌言抗拒不第視政府如弁髦抑且輕督府如土苴據彈丸之地儼然帝制自爲者有之則自河東李鳴鳳始

李鳴鳳之在河東也豈其初卽有跋扈飛揚之大志哉教糝升木政府蓋不得辭其咎矣彼習見夫彭壽松之狂悖酷虐政府不惟不肯明正其罪而且陽獎其助使得挈其子女玉帛翩然去閩而曾無人過問彼固知政府之意在姑息雖復恣爲不法亦決不慮其聲罪致討也故敢於宣布南桂馨死刑敢於拒孔繁爵不納敢於擁戴張士秀自稱都督凡此皆晚唐五代時逆藩叛鎮之所優爲千餘年來久不見於吾國之歷史矣而今乃於民政共和時睹之風聞政府對於此事儼更派專員前往宣諭若彼不受命則當以兵力從事嗚乎逆跡彰著已至此極尙何宣諭之可言往返稽遲之餘李鳴鳳之勢力且愈鞏固河東商民之被其塗炭者且愈甚焦頭爛額之所補救者能有幾何假令彼因有宣諭之命而姑爲虛與委蛇之計貌爲恭順揜其逆跡則前此之罪狀將遂置諸不問也乎一國內之叛人且不能討更何暇問及萬里之外宜乎庫倫藏衛之相率外嚮也

河東爲黃河流域之中樞全晉財賦之藪西北鹽政以此爲根據地此其關繫重要非如邊徼甌脫之區可暫容他人鼯睡者比也河東果方命獨立則秦晉之要膺中斷由蒲津西渡則潼關將爲所竊據由茅津南渡則陝洛將蒙其騷亂陝中諸將早已陰蓄異志方

睚眦焉開天下之有變凱遂其雄據一方之夙願得河東以倡之於前同聲相應之殷自將轟然並起而汴豫之郊土匪所在屯聚河東有變則亦必遙相應援莽莽中原其自此外多事矣今方當整頓鹽法之時西北數十州縣之民食莫不仰給解梁一池倘離綱爲彼輩所占不惟國家歲失此二百萬之正供而鹽政被其釋騷不獲達整齊畫一之蘄嚮其影響之所及借款問題亦將爲之搖動豈惟內訌之可憂而已

要之今日欲氏國之鞏固不可不先求政治之統一欲政治之統一而顧令阻兵安忍之徒常此逍遙法外豈非欲奏安瀾之績而故激而行之也耶秦晉豫爲中原腹地近畿之所恃爲屏障乃坐視羣凶之擁兵負固而不敢張撻伐之威更何論其遠者如粵如贛其蔑視中央之野心又何嘗稍減於李鳴鳳張士秀而皆視政府區處茲事之強弱以定緩急進止之方針政府苟惟是以省事爲得計不憚長此姑息養奸此輩勢將合從締交遙相邪許必使政府之威令不復出國門一步而後快臥榻之旁悉爲他人勢力政府縱甘效宗周之守府而其如世界之大勢必不容我之長此分裂何行見此大好河山終淪於異族之手耳失之東隅猶冀收之桑榆此曹縱狼戾鳴張要不過恃虛聲爲恫喝但使有

一旅之師奉辭伐罪，突入爲雄，先聲所奪，方倉皇竄伏，之不暇，甯敢奮螳臂以撐拒也哉！吾政府其速籌進取之方，毋更瞻顧遲迴，以致事機之坐失也。

北京國華報要聞

山西風潮之所起

閻錫山致總統電

大總統鈞鑒：准國務院艷電，奉大總統令，據張士秀、李鳴鳳等電稱：河東籌餉局局長南桂馨煽惑軍隊，已看管候審，飭即查明辦理等因。查晉省自光復以來，軍隊林立，錫山回省後，即將中北兩路軍隊陸續實行裁汰，惟河東一隅爲張觀察使士秀、李旅長鳴鳳二人所割據，把持財政，抗拒編裁，無從著手。錫山迭次派人往辦，大都視爲畏途，惟刻署巡警道南桂馨賦性勇敢，任事實心，情願担任其事。當由錫山會同前民政長周渤派令前往設立籌餉局，冀會辦河東軍政，就近與商編制事宜。業經電陳在案。迄今到差數月，軍隊雖亦裁汰兩營，而辦理甚形棘手。迭經該局長電請辭差，錫山均勗以大義，飭令勉任。其難一面，派員密往軍中查察實情。凡團營各長類皆樂於就範，把持挾制者仍係張士

秀李鳴鳳兩人迭接南桂馨密電據稱河東團營各長僉謂裁編軍隊非從根本上解決不可欲從根本上解決非撤換旅長不可錫山審時度勢不得已電請改任孔繁爵爲旅長前往接辦并先後將張士秀李鳴鳳等優加保獎無非委曲成全冀收和平解決之效此等苦衷諒在洞鑒之中不料該旅長等居心叵測竟將南桂馨擅行看管誣以煽惑軍心破壞大局等情捏詞電陳鈞座錫山昨接該旅長等來電尙擬曲予優容飭將南桂馨解送來省交由執法處秉公訊斷以釋羣疑並令由孔繁爵護解來省暫時不必多事不意該旅長視爲退讓再接再厲竟謂孔繁爵不知現在何處無從交卸定於下月初三日整率全旅來省交代尤堪駭異查河東係屬腹地原不必多駐重兵且該旅長所部各營大半徒手統計砲兵一營共有三生七的小砲四尊械缺兵弱徒糜餉項此次裁汰改編實係爲整飭軍旅節省餉需起見迭經參議員等公同議決呈請執行錫山毫無成見不圖該旅長保護個人權利不顧大局若此之甚也河東係晉省財賦之區鹽課地丁爲國庫入款大宗前奉大總統電令全省錢糧悉數解省兵餉由省領發通省各縣無不恪遵惟河東一隅不但鹽課絲毫未解即蒲解兩屬地丁亦不遵令擅自扣留似此擁兵自衛

罔利營私尤敢抵抗命令帶兵北來用意所在路人皆知省垣軍隊聞此信息異常憤懣錫山爲顧全大局姑息含容應請特派威望素著之大員前往河東督飭裁併軍隊並請電飭該旅長將南桂馨交出由該大員審訊以判曲直而保治安敬乞核示祇遵再董崇仁明日赴京一切詳情由該員面呈山西都督閻錫山叩州印

平報公電

太原閻都督爲河東事呈大總統電

大總統鈞鑒准國務院艷電大總統令據張士秀李鳴鳳等電稱河東籌餉局局長南桂馨煽惑軍隊已看管候審飭即查明辦理等因查晉省自光復以來軍隊林立錫山回省即將中北兩路軍隊陸續實行裁汰惟河東一隅爲張觀察使士秀李旅長鳴鳳二人所割據把持財政抗拒編裁無從著手錫山迭次派人往辦大都視爲畏途惟刻署巡警道南桂馨賦性勇敢任事實心情願担任其事當由錫山會同前民政長周渤派令前往設立籌餉局兼會辦河東軍政就近與商編制事宜業經電陳在案迄今到差數月軍隊雖亦裁汰兩營而辦理甚形棘手迭據該局長電請辭差錫山均勗以大義飭令勉任其難

一面派員密往軍中查察實情凡團營各長類皆樂于就範把持挾制者仍係張士秀李鳴鳳兩人迭接南桂馨密電據稱河東團營各長僉謂裁編軍隊非從根本上解決不可欲從根本上解決非撤換旅長不可錫山審時度勢不得已電請改任孔繁燾爲旅長前往接辦並先後將張士秀李鳴鳳等優加保獎無非委曲成全冀收和平解決之效此等苦衷諒在洞鑒之中不料該旅長等居心叵測竟將南桂馨擅行看管誣以煽惑軍心破壞大局等情捏詞電陳鈞座錫山昨接該旅長等來電尙擬曲予優容飭將南桂馨解送來省交由執法處秉公訊斷以釋羣疑並令由孔繁燾護解來省暫時不必多事不意該旅長視爲退讓再接再厲竟謂孔繁燾不知現在何處無從交卸定於下月初三日整率全旅來省交代尤堪駭異查河東係屬腹地原不必多駐重兵且該旅長所部各營大半徒手統計砲兵一營共有三生七的小砲四尊械缺兵弱徒糜餉項此次裁汰改編實係爲整飭軍旅節省餉需起見迭經參議員等公同議決呈請執行錫山毫無成見不圖該旅長保護個人權利不顧大局若此之甚也河東係晉省財賦之區鹽課地丁爲國庫入款大宗前奉大總統電令全省錢糧悉數解省兵餉由省領發通省各縣無不恪遵惟河

東一隅不但鹽課絲毫未解即蒲解兩屬地丁亦不遵令擅自扣留似此擁兵自衛罔利營私尤敢抵抗命令帶兵北來用意所在路人皆知省垣軍隊聞此信息異常憤憤錫山爲顧全大局姑息含容應請特派威望素著之大員前往河東督飭裁併軍隊並電請飭該旅長將南桂馨交出由該大員審訊以判曲直而保治安敬乞核示祇遵再董崇仁明日赴京一切之詳情由該員而呈山西都督閻錫山叩卅印

太原閻都督爲河東事呈大總統各部院電

大總統國務院參謀部陸軍部鈞鑒南局長桂馨被拘一案遵令派員李敏楊彭齡赴運守提前經電陳在案約計該員應於初九日到運乃四次電催該觀察使等迅速遵令交人解省迄無隻字回復其違抗命令居心叵測已可概見現據平陽第七團團長張煌呈稱河東派第九團兵隊北來被伊攔阻現駐太平縣屬之史村曲沃縣屬之侯馬鎮等處實屬胆大妄爲目無法紀並據探報南桂馨被拘後非刑吊拷身無完膚恐難保命等語其違法橫暴情形尤堪髮指錫山以際此邊患方殷之際力持和平解決之心乃該觀察使旅長等種種違抗不法行爲實與土匪無異若再延長時期不以武力解決非但南桂

馨性命堪虞即晉省大局將不堪設想查太原所駐軍隊前經奉令陸續開赴薩包一帶現在省城兵力單薄不敷分布擬請飭撥步兵一團砲兵一營來晉暫歸錫山節制調遣再由錫山調派步兵一團騎兵一營前往痛加勦辦並懇令飭駐紮河南軍隊於沿河一帶酌量情形防守助勦以免竄擾臨電屏營無任迫切待命之至山西都督閻錫山叩

忻州續選投票人全體公呈大總統各部院臚陳河東種種不法舉動電

大總統國務院陸軍部參謀部鈞鑒自共利告成全晉力求統一民政財政日見恢復新舊軍隊由都督逐次遣散約有十之六七惟河東一隅意圖割據始終自爲範圍兵隊則假口土匪一兵未汰地丁則藉口兵餉到處扣留鹽款歲入二百餘萬則據爲私有挾巨款四出運動恃副議長與司法司在省之聯絡劉盪訓景耀月在京報之造言欲推翻都督民政長而悉充以河東人在京省之河東人謀之在河東之河東人行之此次之擅捕籌餉局長南桂馨蓋憑特在京在省有人冀中央之可以謠言欺而省垣無能如之何地竊思民國能否存在首在統一河東如此若他處效尤必至四分五裂破壞全國中央命

令此後尙能有效乎效尹等非以南桂馨爲北路人有所偏徇特爲全晉計耳仰懇大總統援據約法問其破壞共和之罪以靖逆謀而福民國大局幸甚效尹等草茅下士罔知忌諱臨電不勝惶悚之至忤代甯保十三州縣續選投票人全體同叩

平報要聞

某統領奉命下河東

河東張士秀李鳴鳳拘害南局長倡言獨立破壞統一并派兵北上各節已屢紀前報頃聞大總統已經派員統兵前往查辦並聞附某統領以特別命令三條俟到河東後臨時辦理（一）速將南局長釋放回省（二）將河東軍隊悉數遣散以節糜費（三）查明張李罪狀懲治首要其餘詳情訪明續登

閩河東閩都督亦成被告

河東張士秀拘留南局長之事已屢紀前報大總統曾飭閩都督提省訊辦乃閩督已派員往提而張士秀李鳴鳳竟電大總統謂南局長煽惑軍隊爲主動力閩督亦在被告之列未便再行訊辦此案請中央派員來運會訊並飭閩督到案云云異哉如南局長之身

受其害孔旅長之生入虎穴者遭張之毒手固必不論而遠在省城之軍政長亦曾被其揭控矣今又牽及都督是耶非耶張殆欲吹風激浪興成大獄而自輕其罪耳其居心行事可謂至狡雖然聞政府已派趙統領偕率兵前往查辦茲事之真相不久必有水落石出之時姑誌之以觀其後

革心報專電

河東觀察張士秀於初三四日即携眷潛往陝西聯絡求援並安置家眷現駐潼州之陝軍帶兵官陳伯生仍在河東未去李鳴鳳並採用陳之一等副官劉某充其一等副官劉某充其一等參謀

(太原)

前閻都督奉中央令派赴河東提南局長到運磋商九日始終無效並不令往省通何消息該員等無法現已由運返省矣並聞又提出三大要求俟探明再電(太原)

河東遊擊隊已至霍縣步隊一隊馬兵三十名至趙城縣兩隊所携之槍皆係老毛瑟及來復槍

(太原)

此間閻都督派去提南局長之各員計抵運已十日仍無絲毫信息又聞籌餉局二等局

員劉澐已被張李處死南局長亦已宣布死刑云

革心報要聞

袁總統飭赴河東辦理三大端



山西河東張士秀李鳴鳳倡言獨立破壞統一擅害南局長佩蘭率兵攻省各情已歷誌各報頃聞袁大總統對於河東一事業已派兵赴晉聲討其罪並附某軍統以特別命令三條到河東時即行辦理（一）速將南局長佩蘭釋放回省（二）將河東軍隊悉數遣散以節糜費（三）張士秀李鳴鳳罪大惡極務必懲治首要處以死刑其詳情候訪明再登

革心報命令

前據山西都督閻錫山電呈河東籌餉局局長南桂馨被河東觀察使張士秀旅長李鳴鳳拘禁拷打一案當經電令將南桂馨提省訊辦茲據該都督電稱派員守提並四次電催張士秀迄無隻字回復李鳴鳳復敢派兵圍犯省垣非用武力難期解決懇請派兵勦辦等語晉省自改革以來秩序漸復惟河東一隅佔收糧賦終未解繳擁護軍隊不服編裁已屬形同割據南桂馨係閻錫山電明中央委任局員竟敢擅行拘禁橫加凌虐第

旅旅長已派孔繁爵接充尤敢抗弗交替現且有派兵赴省情事似此橫蠻抵抗逆跡昭彰實屬罪無可逭著參謀部陸軍部酌調軍隊前赴河東勒令交出南桂馨並將張士秀李鳴鳳嚴拿懲辦兵到之日河東軍隊如果服從命令應飭聽候編裁倘敢抗拒即著嚴行勦辦並著河東陝西兩省都督各於毗連隘要一體扼防以杜竄擾此令

中華民國二年一月十九日



1 50114

#57

20171